


X
1463

VITT. EMANUELE




Bibliotheca
Coll. Rom.
et. Jesu

37-2-A-46

1

23

D







REGVLAE
SOCIETATIS
IESV.

*Ex leg. M. Coc-
ciani*



ROMAE,

In Collegio eiusdem Societatis .

M D LXXXII.

Cum facultate Superiorum .

RECEIVED

OF THE

LIBRARY

OF THE

UNIVERSITY OF

CHICAGO

LIBRARY

OF THE

UNIVERSITY OF

CHICAGO

LIBRARY

OF THE

UNIVERSITY OF

CHICAGO

14 V I 9 3
S V M M A R I V M E A R V M
Constitutionum, quæ ad spi-
ritualem nostrorum insti-
tutionem pertinent,
& ab omnibus
obseruandæ
sunt.



I
V A M V I S *summa*
sapientia, & boni-
tas Dei Creatoris
nostri, ac domini sit,
quæ cōseruatura est,
gubernatura, atq;
promotura in suo sancto seruitio hanc
minimam Societatem Iesu, vt eam di-
gnata est inchoare: Ex parte verò no-
stra interna charitatis, & amoris il-
lius lex, quam Sanctus Spiritus scri-
bere, & in cordibus imprimere solet,
potius quam vlla externe Constitu-
tiones ad id adiutura sit: Quia tamen
suauis dispositio diuinæ providentiæ
suarum creaturarum cooperationem
exigit, & quia Christi domini nostri
Vicarius ita statuit, & Sanctorum
exempla, & ratio ipsa nos ita docet
in domino: necessarium esse arbitra-
mur Cōstitutiones conscribi, quæ ius-
uent ad melius in via incepta diuini

Constitu-
tionum ne-
cessitas.
In Proæ.
Cons. §. I

obsequij procedendum, iuxta instituti nostri rationem.

Finis & ratio
vivendi
dñi Societa-
tis.

In Ex. c.

1. § 2.

Par. 3 c. 2

lit. G &

Par. 6. c.

3. §. 5.

2 Finis huius Societatis est, non solum saluti & perfectioni propriarum animarum cum divina gratia vacare; sed cum eadem impense in salutem, & perfectionem proximorum incumbere.

3 Nostra vocationis est diversa loca peragraré, & vitam agere in qua-
vis mundi plaga, ubi maius Dei obsequium, & animarum auxilium speratur.

In Ex. c.

1. §. 6.

4 Ratio vivendi in exterioribus iustas ob causas, maius Dei obsequium semper inveniundo, communis est; nec ullas ordinarias pœnitentias, vel corporis afflictiones ex obligatione subeundas habet; sed illas assumere quisvis poterit, quæ sibi videbuntur cum approbatione Superioris ad maiorem sui spiritus profectum convenire, & quas propter eundem finem Superiores eis poterunt imponere.

Sacramen-
torum usus
& examen
conscien-
tiæ.

In Ex. c.

4. §. 41.

vide num

40.

5 Ipso initio sui in Societatem ingressus, debet quisque generalem totius vite confessionem apud aliquem Sacerdotem à Superiore assignatum facere, & post eam sacratissimum Christi domini nostri corpus sumere; & sic sexto quoque mense eodem modo generaliter ab ultima inchoando

confi-

confitebitur.^a Et omnes tam Professi, quā formati Coadiutores semel singulis annis parati esse debebunt ad confessionem generalem, quæ ab vltima generali inchoetur, ei quem Superior sibi substituerit, faciendam.

6 Utantur quotidie omnes cōscientiæ suæ examinatione consueta: b Si Sacerdotes non fuerint, confiteantur oportet, & sanctissimum sacramentū Eucharistiæ sumant octauo quoq; die: c & vnus omnium sit Confessarius à Superiore constitutus: quod si fieri nō poterit, quisq; certe suum stabilem habeat Confessarium, cui ipsius conscientia prorsus aperta sit.

7 Qui autem aliū, quam suo Confessario designato confiteretur, debet postmodum (quantum recordari poterit) eidem suo Confessario totam suam conscientiam aperire, vt nihil ignorando quod ad eam pertineat, melius in domino possit eundem iuuare.

8 Vnusquisq; eorum, qui Societate ingrediuntur, consilium illud Christi sequendo, Qui dimiserit patrem, & matrem, existimet sibi patrem, matrem, fratres, & sorores, & quidquid in mundo habebat, relinquendū; immo sibi dictum existimet verbum illud: Qui non odit patrem, & matrem, insuper

a Par. 6.
c. 1. §. 2.

Par. 3. c.
1. §. 11.
b In Ex. c.
4. §. 25.

c Par. 3.
c. 1. §. 11.

Par. 3. c.
1. lit. Q
& par. 6.
c. 3. §. 2.

Exuendus
inordina-
tus seculi
affectus.
In Ex. c. 4
§. 7.

In Ex. c.
4. §. 7.

et animam suam, non potest meus esse discipulus. Et ita curandum ei est, ut omnem carnis affectum erga sanguine iunctos exuat, ac illam in spirituales conuertat, eosque diligat eo solum amore, quem ordinata charitas exigit, ut qui mūdo, ac proprio amorī mortuus, Christo domino nostro soli vivit, eūque loco parentum, fratrum, et terrarum omnium habet.

Vera sui
abnegatio.
In Ex. c. 4
§. 8.

9 Ad maiorem in spiritu profectū, et precipue ad maiorem submissionē, et humilitatem propriam, contentus esse quisque debet, ut omnes errores, et defectus ipsius, et res quacūque, quae notatae in eo, et observata fuerint, Superioribus per quemvis, qui extra confessionē eas acceperit, manifestetur.

In Ex. c. 4
§. 8.

10 Boni etiam omnes consulant ab alijs corrigi, et ad aliorum correctionem iuvare; ac manifestare sese inuicem sint parati debito cum amore, et charitate ad maiorem spiritus profectum: praesertim ubi a Superiore, qui illorum curam gerit, fuerit ita praescriptum, aut interrogatum ad maiorem Dei gloriam.

In Ex. c.
4. §. 44.

11 Diligenter animadvertant oportet (magnificiendo summi que mēti id esse auctendo in conspectu Creatoris, ac domini nostri) quanto opere

iuuat, ac conferat ad vitæ spiritua-
lis profectum, omnino, & non ex par-
te abhorre ab omnibus, quæ mundus
amat, & amplectitur, & admittit,
& concupiscere totis viribus quidquid
Christus dominus noster amauit, &
amplexus est. Quæ admodum enim mū-
dani homines, qui ea, quæ mūdi sunt,
sequuntur, diligunt, & querunt ma-
gna cum diligentia, honores scilicet,
famam, magni neminis existimationem
in terra, sicut mundus eos edocet: sic
qui procedunt in spiritu, & serio Chri-
stum dominum nostrum sequuntur,
amant, & ardentem exoptant, quæ
iis omnino contraria sunt, indui nimi-
rum eadem veste, ac insignibus domi-
ni sui pro ipsius amore, ac reuerentia;
adeo ut si sine offensione ulla diuine
maiestatis, & absq; proximi peccato fo-
ret, vellent cōtumelias, falsa testimo-
nia, & iniurias pati, ac stulti haberi
& existimari (nulla tamen ad id per
eos data occasione) eo quod exoptant
assimilari, ac imitari aliquo modo crea-
torem, ac dominum nostrū Iesū Chri-
stum, eiusq; vestibus, & insignibus in-
dui: quandoquidem illa ipse propter
maiores profectū nostrum spirituale
induit, nobisq; exemplum dedit, ut in
omnibus, quoad eius fieri poterit, di-

uina gratia aspirante, eum imitari,
& sequi, cum vera sit via, quæ ducit
homines ad vitam, velimus.

In Ex.c. 4
§. 46.

12 Ut melius ad hunc perfectionis
gradum in spiritali vita tam precio-
sum perueniatur, maius, ac impensius
studium cuiusq; sit querere in domino
maiorē sui abnegationem, & continuā
in rebus omnibus, quoad poterit, mor-
tificationem.

In Ex.c. 4
§. 28.

13 In exercendis officijs abiectis, &
humilibus, promptius ea suscipi conue-
nit, à quibus sensus magis abhorrebit:
siquidem iniunctum fuerit, ut in eis
se exerceat.

Par. 3.c.
I. §. 13.

14 Antevertere oportet tentatio-
nes, adhibitis earum contrarijs; ut cū
quis animadvertitur ad superbiam
esse propensus, exerceri is debet in re-
bus abiectioribus, quæ ad humiliandū
ipsum utiles future videantur: & sic
de alijs pravis animæ propensionibus.

Perfectio-
nis, solida-
rumq; vir-
tutum stu-
dium.

Par. 6.c.
I. §. 1.

15 Omnes constanti animo incum-
bamus, ut nihil perfectionis, quod di-
vinā gratia consequi possimus in abso-
luta omnium Cōstitutionum observa-
tione, nostrique instituti peculiari ra-
tione adimplenda, prætermittamus.

Par. 10. §.
2.

16 Omnes, qui se Societati addixe-
runt in virtutum solidarum, ac per-

fecta-

sectarum, & spiritualium rerum studium incumbant: ac in huiusmodi maius momentum, quam in doctrina, vel alijs donis naturalibus, & humanis constitutum esse ducant: Illa enim interiora sunt, ex quibus efficaciam ad exteriora permanere ad finem nobis propositum oportet.

17 Omnes rectam habere intentionem studeant nō solum circa vitæ suæ statum, verum etiam circa res omnes particulares: id semper in eis sincere spectantes, vt seruiant, & placeant diuinæ bonitati propter seipsam, & propter charitatem, & eximia beneficia, quibus præuenit nos, potius quā ob timorem pœnarum, vel spem præmiorum (quamuis hinc etiam iuari debeant) & in omnibus querant Deum, exuentes se, quantum fieri potest, amore omnium creaturarum, vt affectum vniuersum in ipsarum Creatorem conferant, eum in omnibus creaturis amando, & omnes in eo, iuxta sanctissimam, ac diuinam ipsius voluntatem.

Par. 3. c.

1. §. 26.

18 In concionibus domesticis de ijs crebro tractent, quæ ad sui abnegationem, & in virtutibus profectum, & omnimodam perfectionem attinēt: ad ea se inuicem exhortando, & præ-

Par. 3. c.

1. §. 21.

cipue ad vñionem, & charitatem fraternam.

Par. 3. c. 1.
§. 22.

19 Magnopere cōferet, deuote, quoad fieri poterit, ea munera obire, in quibus magis exercetur humilitas, & charitas. Et in vn̄uersum loquendo, quanto aliquis se arētius Deo astrinxerit, & liberaliorem erga summam maiestatem se prastiterit, tanto eum in se liberaliorē etiam experietur, & ipse in dies magis idoneus erit ad gratias, & dona spiritualia vberiora recipienda.

Par. 5. c. 4.
§. 5. & in
Ex. c. 6. §.
5. & 6.

20 Postquam aliquis in corpus Societatis cooptatus fuerit in aliquo gradu, ad alium progredi curare non debet: sed in suo perfici, & obsequio Dei, & gloriæ sese impendere.

Cura interioris hominis.

Par. 3. c. 1.
§. 20. &
Par. 4. c. 4.
§. 3. & 4.
* Par. 3. c.
1. §. 10.

21 Omnes suum tempus rebus spiritualibus impendant, & deuotioni quærendæ pro mensura gratiæ Dei ipsis communicatæ insistant.

* 22 Ab illusionibus Daemonis in suis spiritualibus exercitationibus caueat, & se contra omnes tentationes tueantur: simul rationes sciant, quæ adhiberi possunt, vt eas superet: & ad veras, solidasq; virtutes consequendas insistant: siue plures adsint visitationes spirituales, siue pauciores: curēt vero semper in via diuini seruitij pro-

gressum

gressum facere.

23 Paupertas, vt murus religionis firmus, diligenda, & in sua puritate conseruanda est, quantum diuina gratia aspirante fieri poterit.

24 Diligent omnes paupertatē, vt matrē, & iuxta mēsurā sancta discretionis suis tēporibus eius effectus aliquos experiantur: d nullaq; re tāquā propria vtantur: c paratq; sint ad mē dicandum ostiatim, quando vel obedientia, vel necessitas id exiget.

25 Viētus, vestitus, & lecti ratio erit vt pauperibus accommodata: & vnusquisq; sibi persuadeat, quod quæ vilissima erunt ex ijs, quæ domi sunt, ei tribuentur, propter ipsius maiorem abnegationem, & spiritualē profectū.

26 Intelligent omnes, quod mutuo dare, vel accipere, vel dispēdere quidā quam de ijs, quæ domi sunt, minime possunt, nisi Superior conscius consensus presterit.

27 Omnes, qui sub obedientia sunt Societatis, meminerint se gratis dare debere, quæ gratis acceperunt, nec postulando, nec admittendo stipendiū, vel elemosynas vllas, quibus Missa, vel Confessiones, vel Prædicationes, vel quoduis aliud officium ex ijs, quæ Societas iuxta nostrum institutū exer-

Paupertas.
Par. 6. c.
2. §. 1.

Par. 3. c.
1. §. 25.

d Ibidem.
§. 7:

c Par. 6.
c. 2. §. 10.

In Ex. c. 4
§. 26.

Par. 3. c.
1. §. 8.

Par. 6. c.
2. §. 7. &
in Exa.
c. 1. §. 3.

cere patet, compensari videatur: ut sic maiori cum libertate possit, & proximorum edificatione in diuino seruitio procedere.

Castitas,
sensuumq;
custodia.
Par. 6. c.
I. §. 2.

28 Quae ad votum castitatis pertinent, interpretatione non indigent, cum constet, quam sit perfecte obseruanda, nempe enitendo angelicam puritatem imitari & corporis, & mentis nostrae munditia.

Par. 3. c.
I. §. 4.

29 Omnes diligentissime curent portas sensuum suorum (oculorum praecipue, aurium, & linguae) ab omni inordinatione custodire, ac se in pace, & vera humilitate interna conseruare, & eam in silentio, cum id obseruandum est, cum autem loquendum in circumspectione, & edificatione verborum, & modestia vultus, ac maturitate incessus, motuumq; omnium, sine ulla impatientia, aut superbia signo exhibere: in omnibus procurando, atq; optando potiores partes alijs deferre, omnes in animo suo tamquam sibi superiores ducendo, & exterius honorem, ac reuerentiam, quam exigit cuiusq; status, cum simplicitate & moderatione religiosa exhibendo: atq; ita fiat, ut se mutuo considerantes in deuotione crescant, Deumq; dominum nostrum laudent, quem quisq; in alio,

vt in illius imagine, agnoscere studeat.

30 In refectiōe corporis curandum est, vt temperantia, modestia, & decentia interius, & exterius in omnibus obseruetur. Pramittatur benedictio, & sequatur actio gratiarū; quas omnes agere debent cum ea, qua par est, deuotione, & reuerentia. Et dū corpus edendo reficitur, sua etiā anima refectio praebeatur.

31 Expedit in primis ad profectum, & valde necessarium est, vt omnes perfecta obedientia se dedāt; Superiorem (quicunq; ille sit) loco Christidomini nostri agnoscentes, & interna reuerentia, & amore eum prosequentes: nec solum in executione externa eorum, qua iniungit integre, prompte, fortiter, & cum humilitate debita, sine excusationibus, & obmurmurationibus obediant, licet difficilia, & secundum sensualitatem repugnantia iubeat: verum etiam conentur interius resignationem, & veram abnegationem propriae voluntatis, & iudiciū habere, voluntatem, ac iudiciū suū cum eo, quod Superior vult, & sentit, in omnibus rebus (vbi peccatum non cerneretur) omnino conformantes, proposita sibi voluntate, ac iudicio Superioris pro regula suae vo-

Par. 3. c.
1. §. 5.

Obedien-
tia.
Par. 3. c.
1. §. 23.

lunta-

luntatis, & iudicij: quo exactius conformentur primæ, ac summa regule omnis bonæ voluntatis, & iudicij, quæ est æterna bonitas, & sapientia.

Par. 4. c.
1 c. §. 5.

32 Liberam sui ipsorum, rerumque suarum dispositionem omnes cum vera obediëntia Superiori relinquant, nihil ei clausum, ne conscientiam quidem propriam tenendo, non repugnando, non contradicendo, nec ulla ratione iudicium proprium ipsius iudicio contrarium demonstrando: ut per unionem eiusdem sententiæ, & voluntatis, atque per debitam submissionem, melius in domino obsequio conserventur, & progrediantur.

Par. 6. c. 1
§. 1.

33 Omnes obedientiam plurimum observare, & in ea excellere studeant: nec solum in rebus obligatorijs, sed etiã in alijs: licet nihil aliud, quam signum voluntatis Superioris sine ullo expresso præcepto videretur. Versari autem debet ob oculos Deus creator, ac dominus noster, propter quem homini obedientia præstatur: & ut in spiritu amoris, & non cum perturbatione timoris procedatur, curandum est.

Par. 6. c.
1. §. 1.

34 Ad Superioris vocem perinde, ac si à Christo domino egrederetur, quam promptissimi simus, re quavis, atque adeo littera à nobis inclinata, nec dū

perfecta relictā.

35 Ad eum scopum vires omnes, ac intentionem in domino conuertamus, vt sancta obedientia tum in executione, tum in voluntate, tum in intellectu, sit in nobis semper omni ex parte perfecta: cum magna celeritate, spiritali gaudio, & perseuerantia quidquid nobis iniunctum fuerit, obeundo: omnia iusta esse nobis persuadēdo: omnem sententiam, ac iudicium nostrum contrarium caca quadam obedientia abnegando.

36 Quisq; sibi persuadeat, quod qui sub obedientia viuunt, se ferri, ac regi à diuina prouidentia per Superiores suos, sinere debent perinde, ac si cadauer essent, quod quoquo versus ferri, & quacūq; ratione tractari se sinit: vel similiter, atq; senis baculus, qui, ubicunque, & quacunque in re velit eo vii, qui eum manu tenet, ei inseruit.

37 Adimplere quisq; debet quasuis pœnitentiis, quæ propter defectus, & negligentiam suam, vel quiduis aliud fuerint iniunctæ. Pœnitentias vero huiusmodi prœpta voluntate admittiere deberet cū vero emēdationis, et spiritalis profectus desiderio, etiā si propter defectū nō culpabilē iniūgeretur.

38 Cū aliquis ad ministeria culine

obeun-

Par. 6. c.
1. §. 1.

Par. 6. c.
1. §. 1.

In Ex. c. 4
§. 33.

f Par. 3.
c. 1. §. 15.

In Ex. c.
4. §. 29.

obeunda ingreditur, vel ad eum iuvandum, qui coquus est, eidem obedire cū magna humilitate, in rebus omnibus ad ipsius officium pertinentibus debet. & Atque valde necessarium est, ut omnes non solum Superiori Societatis, vel Domus, sed etiam subordinatis officialibus, qui ex illo auctoritatem acceperunt, obediant: & assuescant non intueri, quis ille sit, cui obediunt, sed potius quis ille, propter quem, & cui in omnibus obediūt, qui est Christus dominus.

Par. 3. c. 39 Si aliquis ex ijs, qui domi sunt, I. lit. B. et cuiquam scriberet, non nisi obtenta in Ex. c. 4 facultate, & literis ei ostensis, quem §. 6. Superior destinaverit, id faciet. Si ad eundem litera mitterentur, ei primo reddentur, qui à Superiore fuerit constitutus: qui eas lectas reddet, aut non reddet illi, ad quem sunt destinatae, prout in domino expedire ad maius ipsius bonum, & Dei gloriam existimabit.

Reddenda
sui ratio.
In Ex. c. 4
§. 36.
vide num.
5.
40 Quicumque hanc Societatem in domino sequi volet, & in eadem ad maiorem Dei gloriam manere, sub sigillo confessionis, vel secreti, vel quacunque ratione ei placuerit, & ad maiorem ipsius consolationem fuerit, debet conscientiam suam magna cum

humi-

humilitate, puritate, & charitate manifestare, re nulla, qua dominum vniuersorum offenderit, celata; & totius antea vite rationem integrā, vel certe rerum maioris momenti Superiori, qui tum fuerit, Societatis, vel cui ex Præpositis, vel alijs ex inferioribus ille iniungeret, prout magis conuenire videretur, reddat: & sexto quoque mense rationem hanc sui, ab ultima, quam reddiderit, incipiendo quisq; reddet. h Sic etiā videtur, quod Coadiutores formati, & Professi singulis annis, vel crebrius, si Superiori videbitur, sue conscientie rationem dicto modo ei reddant.

41 Nullam debent celare tentationem, quam Præfecto rerum spiritualium, vel Confessario, vel Superiori non aperiant: immo vero totam animā suam illis integre manifestam esse pergratum habeant: nec solum defectus aperiant, sed etiam pœnitentias, vel mortificationes, & deuotiones, ac virtutes omnes, voluntate pura optantes ab illis dirigi, sicubi à rectitudine deflecterent, nolentes suo proprio sensu duci, nisi conueniat cum iudicio illorum, quos Christi domini nostri loco habent.

42 Idem sapiamus, idem, quoad eius

fieri

h Ibidem
§. 40. &
Par. 6. c. 1
§. 2.

Par. 3. c. 1
§. 12.

Vnio & cō

formitas
mutua.

Par. 3. c.

1. §. 18.

fieri possit, dicamus omnes, iuxta Apostolum. Doctrina igitur differentes non admittantur, nec verbo in concionibus, vel lectionibus publicis, nec scriptis libris (qui quidem edi non poterunt in lucem sine approbatione, atque consensu Præpositi Generalis.) Immo et iudiciorum de rebus agendis diuersitas, quæ mater esse solet discordiæ, et inimicæ unionis voluntatum, quantum fieri potest, evitari debet. Unio vero, et conformitas mutua diligentissime curanda est, nec, quæ ei aduersantur, permittenda: quo iuncti inuicem fraternæ charitatis vinculo, melius, et efficacius possint se diuino obsequio, et auxilio proximorum impendere.

Par. 10.

§. 11.

43 In Societate nec sit, nec sentiantur animorum propensio ad partem alterutram factionis, quæ esset fortassis inter Principes, vel Dominos Christianos: sed sit potius quidam vniuersalis amor, qui partes omnes (licet sibi inuicem contrariæ sint) in Domino nostro amplectatur.

Otium &
secularia
negotia vitanda.

Par. 3. c.

1. §. 6.

44 Omnes quamdiu corpore bene valent, in spiritualibus, vel exterioribus rebus habeant, in quo occupentur; ne otium malorum omnium origo, quo ad eius fieri possit, domi nostræ lo-

cum habeat.

45 Vt plenius possit Societas rebus spiritualibus iuxta suum institutū vacare, quoad eius fieri poterit, à negotijs secularibus abstineat (qualia sunt testamentariorum, vel executorum, vel procuratorum rerū civilium, aut id genus officia) nec ea ullis precibus adducti obeunda suscipiant, vel in illis se occupari sinant.

46 Vt nimia sollicitudo in ijs, quæ ad corpus pertinent, reprehensibilis est: ita cura moderata tuenda ad diuinum obsequium valetudinis, ac viriū corporis laude digna, & ab omnibus adhibenda est: & ea de causa cum animaduuerterint aliquid sibi nocere, vel aliquid aliud necessarium esse circa victum, vestitum, habitationem, officium, aut exercitationem, & sic de alijs rebus, admoncant omnes ea de re Superiorem, vel quem ad id Superior constituerit, duo interim obseruantes: Primum, vt antequam ad eum quid referant, se ad orandum recipiant, & post orationem si senserint rem deferendam ad Superiorem, id faciant: Alterum, vt cum verbo, aut scripto breui (ne excidat memoria) Superiori rem exposuerint, ei totam curam rei exposita relinquunt:

Par. 6. c.
3. §. 7.

Ratio habenda valetudinis.
Par. 3. c.
2. §. 1.

Et quidquid ille statuerit, optimum ducant; nec contendere, aut urgere per se, vel alium (sive concedatur quod petitur, sive non) pergant; quandoquidem sibi persuadere debent, id magis expedire ad diuinum obsequiū, ac suum maius bonum, quod Superiori, re intellecta, in domino visum fuerit.

Par. 3. c.
2. §. 4.

47 Vt non expedit tanto labore corporali quenquam onerari, vt spiritus obruatur, et corpus detrimentum patiat; ita aliqua corporalis exercitatio, quæ vtrumque inuet, omnibus communiter conuenit, etiam illis, qui mentalibus exercitijs debent insistere: quæ quidem externis interrumpi deberent, et non continuari, nec sine mensura discretionis assumi.

Par. 3. c.
2. §. 5.

48 Corporis castigatio immoderata esse non debet, nec indiscreta in vigilijs, et abstinentijs, et alijs pœnitentijs externis, ac laboribus, quæ et nocumentum asferre, et maiora bona impedire solent. Ideo suo Cōfessario detegi ab vnoquoque conuenit, quidquid in hac parte faciat.

In Ex. c. 4
§. 32.

49 Aegritudinis tempore non solū obseruare vnusquisq; obedientiam magna cum puritate debet erga Superiores spirituales, vt ipsius animam re-

gant:

gant: sed cum eadem humilitate ergo medicos corporales, & infirmarios, vt corpus eius regant.

50 Præterea qui ægrotat, humilitatem, & patientiâ suam præferendo, non minorem edificationem, dum morbo laborat, q̃s, qui ipsum inuaserunt, & cum eo versabuntur & agent, quam dum valebat corpore, ad maiorem Dei gloriam præstare curet, i verbis p̃ys, & ad edificationem facientibus vtendo, quæ ostendant agnitudinẽ acceptari, vt donum de manu Creatoris, ac domini nostri; quandoquidem non minus donum est, quam sanitas.

52 Aliquoties singulis annis omnes à Superiore sibi pœnitentias iniungi propter defectum obseruationis Regularũ petant: vt hæc cura indicium sit illius, quam de suo profectu spirituali in via Dei quisque habet.

51 Omnes demum obseruationi Constitutionum studeant: ad quam easdem scire saltem, quæ ad quemlibet pertinent, necesse est.

quare legere, vel audire easdẽ singulis mensibus oportebit.

In Ex. 1.
4. §. 32.

i Par. 3. c.
1. §. 17.

Par. 3. c. 1
§. 28.

Constitutiones, ac regulæ obseruandæ.

Par. 10. §
13.

Quæ quis
que erga se
seruate de
beat.

Par. 4. c.

4. §. 3. &

4.

Par. 4. c.

4. §. 3. &

4.

Par. 3. c.

1. §. 11.

& Par. 6.

c. 3. §. 2.

& in Bul.

3. Pauli

111.

* Par. 4.

c. 4. §. 5.

& Par. 5.

c. 4. §. 6.

& Ex. c.

4. §. 38.

& 41. &

c. 10. §. 5.

In Ex. c.

4. §. 4.

REGVLAE COMMVNES.

1 **S**inguli praefinitum sibi tempus
suae conscientiae bis quotidie
examinandae: orationi, meditationi,
lectioni; impendant cum omni diligē-
tia in Domino.

2 Omnes quotidie sacro decenter
intersint: & concionem, lectionem ve
sacram, cum in templo nostro habebi-
tur, audiant.

3 Singuli statuto die, & assigna-
to sibi Confessario confiteantur, et nō
alteri sine Superioris facultate.

* 4 Omnes (qui Professi, aut formati
Coadiutores non sunt) bis in anno sua
vota renouabunt, praemissa confessio-
ne generali; quo tempore rationem
suae conscientiae reddent, & quoties
etiam Superiori visum fuerit, iuxta
morem Societatis.

5 In abstinentia sextae feriae Socie-
tatis consuetudo seruetur.

6 Nullus mortificationem publice
faciat, nec concionetur, nisi Superiore
approbante.

7 Nemo pecuniam apud se habeat:
apud alium vero, nec pecuniam, nec
quicquam aliud.

8 Libros nemo habeat sine faculta-

te; an ūs vero, quibus vti licet, nec scribat quicquā, nec notā vllā imprimat.

^a Par. 4.
c. 6. lit.
G.

9 Nemo rē vllā ex domo, vel ex alterius cubiculo sibi vsurpet, aut ab externo quouis modo sibi, aut alij accipiat, sine Superioris licentia.

10 Ad maiorem vnionem eorū, qui in Societate viuunt, maiusq; auxiliū eorum, apud quos habitant, singuli addiscant eius regionis linguam, in qua resuleant, nisi forte ipsorum nativā illis esset vtilior: ^b salua tamen Latini sermonis lege in ūs, qui literis dāt operam.

^b Par. 4.
c. 6. §. 13.

11 Nullus ita cubiculum suum claudat, quin aperiri extrinsecus possit, aut arcam, seu quicquam aliud habeat obseratū absq; Superioris facultate.

12 Aperta fenestra nemo noctu dormiat, nec sine inlucio, aut non coopertus.

^c Par. 3.
c. 2. lit. E.

13 Nemo cubiculū egrediatur, nisi decenter vestitus.

14 Nemo eorum, qui ad domestica ministeria admittuntur, aut legere discat, aut scribere, aut si aliquid scit, plus litterarum addiscat; nec quisquam cum doceat, sine Præpositi Generalis facultate: sed satis ei erit sancta cum simplicitate, & humilitate Christo Domino nostro servire.

In Ex. c.
6. §. 5.

Par. 4. c.
10. §. 9.

15 Signo campana constitutis horis audito, omnes statim, vel imperfecta littera relicta, ad id, ad quod vocantur, se conferant.

16 Vt consulatur valetudini, nemo extra consueta tempora bibat, nec extra domum cibum sumat absque facultate Superioris.

Par. 3. c.
2. §. 6.

17 Qui male se habere prater solitum senserit, id infirmario, vel praefecto sanitatis, aut Superiori referat: nemo vero medicinam ullam accipiat, aut medicum eligat, vel consulat, nisi approbante Superiore.

18 Singuli, etiam si Sacerdotes sint, cum primum surgunt, lectum operiant, eumque, & reliqua componant hora consueta, & scopis cubiculum verrant tertio saltem quoque die, exceptis ijs, qui ob occupationes maioris momenti, aut valetudinis causa, iudicio Superioris subleuandi sunt.

19 Mundities, quae & ad valetudinem, & ad adificationem confert, omnibus cura sit, tam circa se ipsos, quam circa alia omnia.

Seruanda
erga Superiores.

20 Qui grauem tentationem alicuius nouerit, Superiorem admoneat, ut ei ipse, pro paterna in suos cura, ac providentia, conuenienti remedio possit occurrere.

21 Quæ a Superioribus circa ad-
ministrationem agenda sunt, nemo cu-
rioso ab alijs exquirat, aut coniectu-
ram faciendo de ijs sermonem miscat;
sed unusquisque sibi, ac muneri suo
attendens, quicquid de se, atque alijs
constituendum erit, tamquam de ma-
nu Dei expectet.

22 Omnes caput aperiant suis Su-
perioribus, & Sacerdotibus q, qui Sa-
cerdotes non sunt; discipuli etiam suis
præceptoribus Unusquisque autem Su-
periores alloquatur magna cum reue-
rentia: is vero, quem Superior alloqui-
tur, aut reprehendit, humiliter, & si-
ne interpellatione audiat.

23 Si cui a Superiore denegatũ ali-
quid fuerit, aliũ Superiorem ne adeas
super ea re, quin ei aperiatur, quid sibi
ab alio fuerit responsum, & quas ob
causas negatum.

24 Cui fuerit alicuius rei cura cõ-
missa, si impedimentum aliquod in-
teruenerit, mature admoneat aliquem
ex Superioribus, ut provideat.

25 Nemo cum ex vno loco in alium
proficiscitur, quicquam secum aspor-
tet sine facultate Superioris.

26 Extra tempora recreationi assi-
gnata, hac ratione silentium seruan-
dum est, ut nemo loquatur, nisi obiter

& per paucis, aut de rebus necessarijs, praesertim in Ecclesia, Sacristia, & Refectorio: in missa vero, concione, mensa, lectionibus, & disputationibus, si quid privatim dicere necesse erit, breuissime, & submissa voce suggeratur.

Par. I. c.
4. §. 4. &
lit. A.

27 Nemo prater eos, qui a Superiore deputati fuerint, loquatur cum ijs, qui in prima probatione versantur: excipiuntur tamen vsitate salutariorum, quas cum alijs alijs obuij fiunt, charitas religiosa exigit.

28 Omnes demissa voce, vt religiosi decet, loquantur: nullusque cum alio contendat; sed si qua in re nobis est diuersa sententia, eaque videtur manifestanda, rationes modeste, & cum charitate afferantur, eo animo, vt suus veritati sit locus, non vt in ea re superiores videantur.

29 Qui facultate accepta aegrotos inuisent, non solum demissa voce loquantur, sed tanta etiam moderatione, vt illis molesti non sint, atque de ijs agant, quae & exhilarare, & consolari aegrotos, circumstantesque edificare in Domino possint.

30 Caueant sibi omnes ab illo affectu, quo aliae de alijs nationibus sine stre sentire, aut loqui solent, quin potius & bene sentiant, & peculiari

Par. IO.
§. II.

affectu diuersas a sua nationes prosequantur in Domino : ac proinde nemo bella, contentionesve inter Christianos principes in colloquium inducat.

31 Nemo præter eos, quibus per Superiorem licet, quicquam alijs iubeat, aliosve reprehendat.

32 In alterius officium nemo se ingerat: in locum vero alieno ministerio deputatum nullus ingrediatur sine facultate Superioris, aut præfecti illius loci, in rebus necessarijs.

Par. 4. c.
10. §. 6.

33 Nemo in alienum cubiculum ingrediatur sine generali, aut speciali Superioris facultate: quod si aliquis intus sit, non prius aperiat ostium, quam post pulsum audiat, ingredi, & tamdiu aperta sit ianua, quamdiu intus vna fuerint.

Par. 3. c.
1. lit. D.

34 Vt ea, quæ religiosos decet, grauitas, & modestia retineatur, nemo alium etiam ioco tangat, præterquam in signum charitatis amplexando, cū quis aut abit, aut redit peregre.

35 Nemo dum mensæ accumbit, cuiquam ex nostris, præterquam ei Superiori, qui præest toti Domui, aut Collegio, caput aperiat. Et cum aliquid in mensa cuiquam deest, is qui illi assidet, admoneat eum, qui ministrat.

36 Domi nemo loquatur cū externis,

Seruanda
ciga extra

aut alios ad id vocet sine facultate generali, aut particulari Superioris.

37 Nemo cuiusquam externi ad domesticum, aut domestici ad externum mandata deferat, aut litteras, in scio Superiore: seculares autem rumores, qui foris audiuntur, ne temere, & sine fructu narrentur.

38 Nemo quae domi acta vel agenda sunt, externis referat, nisi Superiori id probari intelligat. Constitutiones vero, aliosve huiusmodi libros, aut scripta, quibus Societatis institutum vel privilegia continentur, non nisi ex Superioris expresso consensu ijs communicet.

39 Nemo scriptas dabit, aut mittet cuiquam externo, vel domestico instructiones spirituales, aut meditationes, nec exercitia spiritualia Societatis alicui communicabit, nisi a Superiore id approbetur.

40 Nemo ab externis consilium petat sine facultate Superioris.

Par. 6.c. 3. §. 7. & par. 9.c. 6. §. 4. 41 Nemo cuiusquam negotij, etiam pji, sine facultate Superioris curam suscipiat, nec ad id operam suam promittat, aut se propensum ostendat: secularia vero negotia, ut quae sunt a nostro instituto aliena, & vehementer a spiritualibus auocant, multo magis auersari conuenit.

42 Omnes, pro ratione sui gradus, data commoda occasione, erantantur p̄is colloquijs proximum ad meliora promovere; & consilio, ac exhortatione ad bona opera, præsertim ad confessionem excitare.

Par. 7. c.
4. 6. 8. &
in Exa.
c. 6. §. 4.

43 Nullus domo egrediatur, nisi quando, & cum quo socio Superiori visum fuerit.

Par. 3. c.
1 §. 3. &
in Ex. c. 4
§. 25.

44 Cum quis facultatem a Superiore petit aliquo eundi, simul etiam aperiat, quo, et cuius rei causa ire velit, præsertim si prælatus, aut alius vir primarius conveniendus sit; eademque die referat eidem, quid egerit, sicut ipsū velle intelliget, et res postulaverit.

45 Ingressuri, egressurive domo, tinnibulum nec vehementius, nec crebrius pulsant, quam par est. Nemo autem nisi consuetæ domus ianua egrediatur, vel ingrediatur.

46 Qui domo egrediuntur, signabū sua nomina, quæ prope ostium domus in tabula descripta sunt, & admonent ianitorem, quo sint profecturi.

47 Omnes ante noctem, qui foris sunt, se domum recipiant, nec egrediētur ante lucem sine facultate Præpositi, vel Rectoris.

48 Cum quis iter faciens transit per locum, ubi Domus aut Collegium

* Cā. 13.
Cong. 3.

Societatis sit, ad aliud hospitium ne diuertat*, eiusq; qui illic praest, obediētia subdit in omnibus, sicut et reliqui, qui in eadem Domo, vel Collegio commorantur. Quod si quis etiam ad negotia tractanda venerit, ea non nisi ex eiusdem consilio, ac directione tractabit.

Par. 4. c.
10. lit. F.

49 Singuli has regulas, & officiorū suorum habeant atque intelligant, sibi que faciant familiares, ac earum memoriam mensibus singulis eis legendis, vel audiendis renouent*: qui tamen peculiaria ministeria Coadiutorū obeunt, eas, quae ad ipsorū officia pertinent, singulis hebdomadis repetant.

REGVLAE MODESTIAE.

- 1 **I**N conuersatione nostrorum *Par. 3. c.*
 Illud in vniuersā dici potest, *1. §. 4.*
 vt in omnibus externis actionibus ap-
 pareat in nostris modestia, & humili-
 tas coniuncta cum religiosa maturita-
 te: speciatim autem hac obseruanda
 erunt.
- 2 Caput huc illuc leniter non mo-
 ueatur, sed cum gravitate, vbi opus
 erit; & si opus non sit, teneatur rectū
 cum moderata inflexione in partem
 anteriorem, ad neutrum latus defle-
 ctendo.
- 3 Oculos demissos vt plurimum te-
 neant, nec immoderate eos eleuando,
 nec in hanc, aut illam partem circum-
 flectendo.
- 4 Inter loquendum cum hominibus
 praesertim alicuius auctoritatis, non
 defigatur aspectus in eorum vultus, sed
 potius sub oculos.
- 5 Ruga in fronte, ac multo ma-
 gis in naso euitentur, vt serenitas ex-
 terius cernatur, quae interioris sit in-
 diciū.
- 6 Labia nec nimis compressa, nec
 nimium diducta.
- 7 Tota facies hilaritatem potius

pre se ferat, quam tristitiam, aut aliū minus moderatum affectum.

8 Vestes sint munda, & cum religiosa decentia compositae.

9 Manus, si non in sustinenda veste occupentur, decenter quiete teneantur.

10 Incessus sit moderatus sine notabili festinatione, nisi necessitas urgeret: in qua tamen, quantum poterit, decoris ratio habeatur.

11 Omnes denique gestus, ac motus eiusmodi sint, qui apud omnes edificationem pariant.

12 Si plures simul erunt, ordinem praescriptum a Superiore, bini, vel terni incedendo, seruent.

13 Si loquendum fuerit, meminerint modestiae, & edificationis tum in verbis, tum in ratione, ac modo loquendi.

135
9

INSTRUCTIO AD RED-
dendam conscientia ratio-
nem iuxta morem
Societatis.



Intelligāt singuli, dā
rationem conscien-
tia sunt reddituri,
quanti momenti Pa-
ter Noster sancte
memoriae Ignatius
id duxerit ad maio-
rem Divinae bonitatis gloriā; ut sub-
diti magis in spiritu cum gratia vbe-
riori proficiant, ac tanto maiore cum
diligentia, amore & sollicitudine iun-
gi, & a periculis conservari possint, ut
quae in Examine & Constitutionibus
toties cōmendātur, et regula 40. sum-
marū constitutionum prescribuntur
de reddenda ratione conscientiae, ex-
acte serventur. Proinde unusquisque
magna cum puritate, sub sigillo confes-
sionis, aut secreti; aut quacumque ra-
tione ei placuerit, & ad maiorem ip-
sius consolationem fuerit, totam ani-
mam suam integre manifestam faciat,
nullam rem celando, qua Dominum
universorum offenderit, post ultimam
rationem redditam conscientiae; vel
erte aperiat eos defectus, qui magis

In Ex. c.
4. §. 36.

Ibidem §.
37.

ab eo tempore grauant ipsius animam.

Capita vero, quibus conscientie ratio reddi debet, hæc fere erūt: ex quibus cum ea retulerint, quæ ad plenam sui manifestationem dicenda putauerint, petāt a Superiore, vt eos interrogando iuuēt, ac suppleat, si quid esse iudicet, quod ad maiorem Dei gloriam & suorum notitiam scire velit.

1 An viuat contentus iuxta suam vocationem.

2 Quomodo se habeat circa obedientiam etiā intellectus, paupertatem, castitatem, & vsum aliarum virtutum, & quarum præcipue studio intentus sit.

3 An sentiat aliquas animi perturbationes, aut tentationes molestas, & de facilitate seu difficultate, et modo eis resistendi, et ad quos affectus, vel peccata sit magis propensus et incitatus.

4 An contra constitutiones, vel regulam aliquam, vel ordinationem Superiorum firmum iudicium habuerit, vel contra eam disputauerit.

5 Quid sentiat de ipso instituto Societatis, & medijs, quibus illa vtitur ad suum finem consequendum, & quæ experiatur in se Zelum animarum.

6 Quomodo spiritualibus rebus sit affectus, quantum temporis orationi

tribuat,

tribuat, & num vocali, an potius mentali inuetur, & utri plus temporis tribuat, et quem modum in orando teneat.

7 Num in usu rerum spiritualium consolationem & deuotionem habeat, an vero contra desolationem, ariditatem, et vagationem animi patiatur, et quomodo in ijs se gerat.

8 De fructu, quem ex communione, confessione, examine, praesertim particulari, & alijs exercitijs spiritualibus percipiat.

9 Num post ultimam rationem conscientiae, quam reddidit, maiorem an minorem fructum fecerit, et quem animum experiatur ad perfectionem consequendam.

10 Quomodo obseruet, quae ex constitutionibus, et regulis tum communibus, tum officij sui ad eum pertinent.

11 De mortificationibus, poenitentijs, & alijs exercitationibus, quae faciunt ad spiritus profectum; & in specie de preparatione ad iniurias, et ad alia, quae ad Christi crucem pertinent, ferenda, atque de eorum desiderio.

12 De socijs, & quomodo ex eorum conuersatione proficiat in Domino, & an alicui plus sit familiaris, quam alijs.

13 An auersionem animi sentiat ab

aliquo, & an offensus sit in aliquo a
Superioribus, vel officialibus, vel qua
vis alia persona, & quomodo sit affe
ctus erga Superiores.

I 4 An tētationes aliquas sit passus,
quas alij intellexerint, præ
sertim circa voca
tionem.



CATALOGVS MISSARVM & orationum, quæ nostris præscribuntur.



SACRA IUXTA
nostrum institutum
a Sacerdotibus So-
cietatis ordina-
rie facienda.

Singulis annis .

I N principio Pat. 10
§. 1.
cuiusq; anni
vnusquisque Sacer-
dos Missam celebret
pro nostra Societate.

2 Singulis annis Pat. 4
c. 1. §.
2. &
Ca. 18
Con-
gr. 3.
præscripto die , in
quo memoria funda-
tionis Collegij, vel
Domus sit, Missa cum
sollemnitate pro fun-
datore proprij Colle

ORATIONES
iuxta nostrum in-
stitutum, ab ijs, qui
Sacerdotes non sunt,
ordinarie faciende.

Singulis annis .

E T singuli, qui Sa-
cerdotes nō sunt,
ad eandem intentio-
nem integrum Ros-
ariū Domine nostre,
videlicet centū quin-
quaginta Ave Ma-
ria, & quindecim
Pater noster, aut
tres coronas recitēt.
Et singuli, qui Sa-
cerdotes non sunt ad
eandem intentionem
vnā coronam, aut
tertiā partem Ro-
sarij recitent.

4, vel Domus, & benefactoribus vivis, & defunctis celebre
ur; & reliqui Sacer
dotes, qui in Colle
gio, vel Domo habi
tauerint, pro eisdem
sua sacrificia offe
rant.

Singulis mēſibus.

3 In principio cui
usque mensis vnus
quisq; Sacerdos Mis
sam celebret pro no
stra Societate.

4 Initio cuiusque
mensis omnes Sacer
dotes, qui in Colle
gio, vel Domo fue
runt, pro fundatore
proprij Collegij, vel
Domus, & benefa
ctoribus vivis, et de
functis semel Missa
sacrificium offerat.

Singulis hebdo
madis.

5 Singuli Sacer
dotes pro illis de So

Par. 10
§. 1.

Par 4.
c. 1. §.
2.

Can.
11, Cō
2. 3.

Singulis mēſibus.

Et singuli, qui Sacer
dotes non sunt, ad
eandem intentionem
tertiam Rosarij par
tem, aut vnā coro
nam recitent.

Et singuli, qui Sacer
dotes non sunt, ad
eandem intentionem
vnā coronam, aut
tertiam Rosarij par
tem recitent.

Singulis hebdo
madis.

Et singuli, qui Sacer
dotes non sunt, ad

ean-

cietate, qui extra Provinciam moriuntur, semel in quavis hebdomada Missæ sacrificium offerant.

6 Singulis hebdomadis, ubicunque fuerint decem, vel pauciores Sacerdotes, pro nostra Societate, una Missa designato a Superiore dicetur; duæ vero, si fuerint plures, quam decem; tres autem, si fuerint plures, quam viginti; & ita deinceps in reliquis decadibus, si numerus Sacerdotum fuerit maior.

7 Singulis hebdomadis pro benefactoribus vivis, & defunctis propriæ Domus, vel Collegij præter eas, quæ pro fundatore dicuntur, una, aut duæ, aut plures Missæ pro numero Sacerdotum offerantur,

eandem intentionem unam coronam, aut tertiam Rosarij partem recitent.

Par. 10
§. 1.

Et singuli, qui Sacerdotes non sunt, in quavis hebdomada ad eandem intentionem septem Pater noster, & septem Ave Maria recitent.

Par. 7.
c. 4. §.
4.

Et singuli, qui Sacerdotes non sunt, in quavis hebdomada ad eandem intentionem septem Pater noster, & septem Ave Maria recitent.

seruando ordinē modo prädictum.

8 Singulis hebdomadis Missa semel pro fundatore proprię Collegij, vel Domus, & benefactoribus uiuis, & defunctis a designato a Superiore celebretur.

9 In Domibus & Collegijs, quę saltem viginti ex nostris alere possunt, etiā si nō habeant propriū fundatorem, fiant pro ijs uiuis & defunctis, qui eorum fundationem notabiliter adiuuerunt, eadem sacra quę pro fundatoribus ordinarie fieri solent.

Sacra ab eisdem extraordinarie facienda.

10 Cum primum Societas in Collegij alicuius possessio- nem venerit, quili-

Par. 4.
c. 1. §.
1.

Et vnus ex ijs, qui Sacerdotes non sunt, a Superiore designatus, ad eandē intentionem vnā coronā, aut tertiam partem Rosarij recitet.

Par. 4.
c. 1. lit.
E.

Et singuli, qui Sacerdotes nō sunt, ad eandem intentionem pro eisdem facere debent easdē orationes, quę pro fundatoribus ordinarie fieri solent.

Orationes ab eisdē extraordinarie faciendę.

Par. 4.
c. 1. §.
4.

Et singuli, qui Sacerdotes non sunt, ad eandem intentionem Rosarium integrum

bet Sacerdos ter sacrum faciat pro superstitute fundatore ipsius, ac benefactoribus.

II Cum ex hac vita idē fundator excesserit, singuli Sacerdotes ter sacrum pro animabus illius & benefactorum faciant.

12 Idem iudicium erit de Communitatibus, vel Rebusque que non moriuntur: fient enim tria sacra pro viventibus, & tria pro defunctis earum. Sic etiam faciendū, quādo plures simul fundationē constituunt.

13 Cum primū Societas in alicuius Domus professā possessionem venerit, quilibet Sacerdos intra illam Provinciā ter sacrum faciat pro superstitute fundatore ip-

sius, & tres coronas recitent.

Par. 4.
c. 1. §.

4

Et singuli, qui Sacerdotes nō sunt, ad eādem intentionem Rosarium integrū aut tres coronas recitēt.

Par. 4.
c. 1. lit.
D &
E.

Et singuli, qui Sacerdotes non sunt, integrum Rosarium, aut tres coronas pro viventibus Communitatibus, & totidem pro defunctis earum recitabunt. Similiter facient, quando plures simul fundationē constituunt.

Can.
18. cō
gr. 3.

Et singuli eiusdem Provinciæ, qui Sacerdotes non sunt, integrum Rosarium, aut tres coronas pro superstitute fundatore, ac benefactoribus; & quando vita functus

sius, ac benefactoribus, & quando vita functus fuerit, alia tria sacra ab eisdem pro animabus illius & benefactorum fiat.

14 Pro Communitatibus vero, & pluribus, qui simul Domus professe foundationem constituunt, fiant intra eandem Prouinciam, quæ de Collegijs dicta sunt, num. 10. 11. & 12.

15 In Domo, vel Collegio, ubi quis de Societate decesserit, singuli Sacerdotes pro eo tria sacra, in alijs vero Prouinciæ locis duo sacra faciant.

16 Cum de obitu cuiusque nostrorum, qui extra Prouinciã obijt, significatur per

fuerit, alterum Rosarium integrum, aut tres coronas pro animabus illius, ac benefactorum recitent.

Par. 4.
c. 1. 1.
D. &
E.

Et singuli eiusdem Prouinciæ, qui Sacerdotes non sunt, ad eandem intentionem faciant quæ de Collegijs, eisdem numeris dicta sunt.

Can.
11. Cõ
gr. 3.

Et singuli eiusdem Domus, aut Collegij, qui Sacerdotes non sunt, pro eo tres coronas, aut tres partes Rosarij, pro alijs vero eiusdem Prouinciæ duas coronas, aut duas partes Rosarij recitent.

Can.
11. Cõ
gr. 3.

Et singuli, qui Sacerdotes non sunt, in suis orationibus illius animam Deo cõ-

universam Societatem, omnes Sacerdotes in Missis illius animam Deo commendent; pro cuiusq; devotione.

17 Omnes Sacerdotes curent, iuxta constitutiones, frequenter orare pro universa Ecclesia, ac pro iis praesertim, qui maioris sunt momenti ad eius universale bonum, cuiusmodi sunt Principes Ecclesiastici, & seculares, & alii, qui multum prodesse, vel obesse bono animarum possunt; & pro amicis, & benefactoribus viventibus, & vita functis, & pro aliis, in quorum auxilium peculiariter ipsi, & reliqui de Societate in variis locis inter fideles, & infideles incumbunt,

mendēs, pro cuiusq; devotione.

Par. 7
C. 4. §.
3. &
lit. A.

Et omnes, qui Sacerdotes non sunt, idem iuxta constitutiones curare debent.

*et etiam pro male
fidelis erga nostram
societatem.*

Par. 10
lit. B.

Sacra ex præscri-
pto P. N. Genera-
lis ab vnoquoque
Sacerdote Socie-
tatis ordinarie
facienda.

18 Vnusquisq; Sa-
cerdos singulis men-
sibus duo sacra fa-
ciat, alterū pro In-
dijis, et gentium con-
uersione: alterū pro
regionibus Septētrio-
nalibus, et heretico-
rum reductione, et
in alijs sacrificijs, et
orationibus eadē Do-
mino commendabit.

19 Singulis hebdo-
madis vnusquisque
Sacerdos sacrū vni

Orationes ex præ-
scripto P. N. Ge-
neralis a singulis,
qui Sacerdotes
nō sunt, ordina-
rie faciendæ.


Et singuli, qui Sacer-
dotes non sunt, vnā
coronam, aut tertiā
partem Rosarij pro
Indijs, et gentium
conuersione, et alte-
ram coronam, aut
tertiā Rosarij par-
tem pro regionibus
Septemtrionalibus,
et hereticorum re-
ductione recitent, et
in alijs orationibus
eadem Domino com-
mendabunt.

Et singuli qui Sacer-
dotes non sunt, ad
eandem intentionem
vnā coronam, aut

ad intentionem Re-
uerendi Patris No-
stri Generalis fa-
ciat, & in aliis sa-
crificiis, & oratio-
nibus eandem Domi-
no commendabit.

tertiam Rosarii par-
tem recitent, & in
aliis orationibus ean-
dem Domino coni-
mendabunt.

Non intendimus per ea, quæ superius recensen-
tur, excludi reliqua sacra, & orationes om-
nes, quæ pro occurrentibus necessitatibus a
Superioribus imponi ad tempus solent.



REGVLAE PERE-
grinorum.

1 **P**ersuadeant sibi, peregrinationis finem non tam esse corporis defatigationem, & vt multum iter conficiant, quam vt ex ea fructum aliquem spirituales percipiant, atque ex eo fine, & iter ipsum, & ceteros peregrinationis labores moderentur.

2 Litánias simul omnes quotidie in ipso itineris ingressu, vel itinerarium dicent, nec orationē, & consueta examina prætermittant, & alias etiam regulas obseruent, quantum ratio itineris permittit.

3 Studeant frequenti oratione, & meditatione comitem itineris sibi Christum facere; & colloquiis interdum piis, & religiosis, ac lectione alicuius libri pii molestias itineris leuare poterunt: quod si cum externis in via, aut in hospitibus egerint, meminerint pro ratione sui gradus, habita ratione temporis & personarum, sermones de rebus spiritualibus inducere, & fructum aliquē, quoad poterunt, efficere.

4 Eleemosynas simpliciter pro Christi amore petant, vt omni spe illa abiecta, quam in pecunijs, & rebus creatis

habere

In Ex. c.

4 § 12.

habere possint, integre vera cum fide,
 & ardenti amore eam in suo creato-
 re, ac Domino constituent, memores a
 Christo Domino Apostolos sine saccu-
 lo, & pera missos, ipsum etiam Domi-
 num non habuisse, ubi caput suum
 reclinaret.

5 Indigentia, & penuria rerum In Ex. c.
 corpori necessariorum probari ex- 4. §. 12.
 pteat, ut ad incommoditatem cibi, som- & 26.
 nine capiendi libenter assuefiant: a ino a Ibid. §.
 iurias vero, illusiones, & opprobria, 44.
 quæ illis in itinere inferri contigerit,
 patienter cum Dei gratia ferant, gau-
 deantque, materiam præberi sibi imi-
 tandi aliquo modo Christum Domi-
 num, eiusque vestibus, atque insigni-
 bus seipsos induendi.

6 Qui maioribus pollent ad viam
 peragenda viribus, eos, qui sunt in-
 firmiores, subsequi & non precedere
 debent, & iter cuiusque diei horum
 debiliū infirmitate commensuretur:
 quod si quis viribus destitueretur, in-
 umento, aut alia ratione iuvari debet:
 qua in re non qualitatibus personarum,
 sed necessitatis, & caritatis fraterne
 ratio est habenda.

7 Si quis in morbum incideret,
 ita ut ulterius progredi non posset,
 nec expediret reliquos ibi moram tra-

here, si vicinū esset Collegium, aut Domus Societatis, eo esset ager (si modo morbus patiatur) deducendus: alio-
qui aliquis ex nostris illi erit socius relinquendus, ut consolationi ei sit, & auxilio: agro autē viribus restituto, caplum iter ambo prosequantur.

8 Si in via ab honesto, & pio amico inuitaretur, posset, qui praest, hospitalitatis beneficium admittere. tūc autem curare debent verbis, & religioso exemplo hospites edificatos in Domino relinquere.

9 Eiusdem edificationis, & exempli in omnibus hospitiiis meminisse debent: sobrietatis etiam in mensa, & modestiae in conuersatione nunquam obliuiscantur.

10 Cum in itinere ad Collegia, vel Domos Societatis diuertent, studeant omnes bonum edificationis odorem exemplo vitae, ac morum nostris relinquere. De rebus vero aut personis aliorum Collegiorum, aut Domorum nihil loquantur, aut tractent, nisi ad edificationem.

11 Si transferint per locum, ubi Domus, aut Collegium Societatis sit, nihil ab externis nec pro se, nec pro aliis petant, aut accipiant sine facultate Superioris eiusdem Domus, vel Collegii.

II^o Omnes alii, qui iter faciunt ex
 nostris equites, aut pedites, has regu-
 las peregrinorum suo modo, quantum
 fieri potest, etiam seruent: & tam pe-
 regrini, quam reliqui, qui iter
 faciunt, patentes literas
 sui Superioris habe-
 re curent.



DE OBEDIENTIÆ

virtute Epistola N. P.

Ignatij .

IGNATIVS LOIOLA

Fratribus Societatis IESV, qui

sunt in Lusitania gratiam,

& amorem Christi Do-

mini sempiter-

num.



*M*agnam animi voluptate capio, fratres in Christo carissimi, cum affertur ad me, quam acris studio conatuq; ad summam virtutis, ac divini obsequij perfectionē enitamini, beneficio illius, qui vos, ut ad hoc vite institutū vocavit, sic in eodem pro sua clementia retinet, dirigitque ad beatum finem, ad quem, qui sunt ab ipso electi, perveniunt. Atque ego sane cum vos omnibus donis ornamentisque spiritalibus perfectos, tum vero (quod alias ex me cognovistis) in primis obedientiæ virtute præstantissimos esse cupio; idque non solum ob eximia quadam, ac singularia eius bona, quæ tot, tamque illustribus sacrarum litterarum testimonijs, atq; exemplis, in testamento æque novo, ac

veteri comprobantur, sed etiam quod
 (ut est apud sanctum Gregorium) Obe-
 dientia sola virtus est, quæ virtutes
 ceteras menti inserit, insertasque cu-
 stodit. Hæc dum floruerit, florebut
 proculdubio reliquæ, edentq; fructus,
 quales & ego in animis vestris ex-
 pto, & suo iure postulat is, qui huma-
 num genus neglectæ obedientiæ scelere
 afflictum, ac perditum, salutare ipsemet
 obedientia reparavit, Factus obediens
 usque ad mortem, mortem autem cru-
 cis. Ab alijs religiosis ordinibus faci-
 lius patiamur superari nos ieiunijs, vi-
 giljs, & cetera victus, cultusque aspe-
 ritate, quam suo quique ritu, ac disci-
 plina sancte suscipiunt: vera quidem,
 ac perfecta obedientia, abdicationeque
 voluntatis, atque iudicij maxime ve-
lim, fratres carissimi, esse conspicuos,
quicumque in hac Societate Deo Domi-
no nostro deseruiunt; eiusdemque So-
cietatis veram, germanamque sobolem
hac quasi nota distingui, qui numquã
intueantur personam ipsam, cui obe-
diunt, sed in ea Christum Dominum,
cuius causæ obediunt. Siquidem Supe-
 riori, nec si prudentia, bonitate, cete-
 risve quibuscumque diuinis donis orna-
 tus, instructusque sit, propterea obtem-
 perandum est; sed ob id solum, quod vi-

Lib. 35.
 Moral. c.
 10.

Ad Phi-
 lipp. 2.

Luc. 10.

Matthæ.
23.

Cap. 6.

ces gerat Dei, eiusdemque auctoritate fungatur, qui dicit, Qui vos audit, me audit; & qui vos spernit, me spernit: nec contra sue consilio, aut prudentia minus valeat, quidquā iccirco de obedientia remittendū, quatenus ille Superior est; quādo illius personā refert, cuius sapientia falli nō potest, supplebitq; ipse, quidquid ministro defuerit: siue probitate, alijsq; ornamentis careat, siquidem disertis verbis Christus Dominus cū dixisset, Super Cathedrā Moysi sederunt Scribe, & Pharisei; protinus addidit, Omnia ergo, quaecunque dixerint vobis, servate, & facite; secundū opera vero eorum nolite facere. Quocirca sedulo vos in eam curam, atque exercitationem incumbere cupio, ut Christum Dominū in Superiore quolibet agnoscere studeatis, in eoque divina Maiestati reverentiam, atque obedientiam summam cum religione præstare. Quod vobis minus mirum videbitur, si animadverteritis præceptum esse ab Apostolo, ut Superioribus etiā secularibus, ethnicisq; pareamus, ut Christo, ex quo omnis potestas bene instituta descendit: sic enim scribit ille ad Ephesios, Obedite Dominis carnalibus cum timore, & tremore in simplicitate cordis vestri, sicut Christo, non

ad oculum seruientes, quasi hominibus
 placentes, sed vt serui Christi facien-
 tes voluntatem Dei ex animo, cum bo-
 na voluntate seruientes, sicut D O-
 MINO, & non hominibus. Atque
 hinc existimare poteritis ipsi, cum se
 religiosus quispiam regendum, ac mo-
 derandum alteri tradidit, non solum
 vt Superiori, sed etiam nominatim vt
 Christi partes agent; quo illum loco
 apud animum suum habere, vtrum vt
 hominem, an vt Christi vicarium de-
 beat intueri. Iam vero illud etiam vo-
 bis clare compertum esse, ac in ani-
 mis vestris penitus insidere vehemen-
 ter cupio, infirmam, & valde imperfe-
 ctam esse primam illam obedientiae for-
 mam, quae mandata dumtaxat opere
 exequitur; nec virtutis nomine digna
 nisi ad alterum gradum ascendat, qui
 voluntatem Superioris suam efficiat,
 & cum ea ita concordet, vt non solum
 in effectu executio appareat, verum
 etiam in affectu consensus; sicque idem
 velit vterque, idem nolit. Atque pro-
 pterea in sacris literis legimus, Melior
 est obedientia, quam victimae; siquidem
 (vt S. Gregorius docet) Per victimas
 aliena caro, per obedientiam vero vo-
 luntas propria mactatur. quae quidem
 pars animi, quoniam est adeo praestans,

1. Regum
 15.
 Libr. 35.
 Moral. 6.
 10.

sic fit, ut eius oblatio Domino, ac Creatori nostro per obedientiam facta magni sit aestimanda. Quanto in errore, quamque periculoso versantur, non dico solum ii, qui in iis, quæ ad carnem, et sanguinem pertinent, sed illi etiã, qui in rebus alioquin admodum sanctis: ac spiritualibus, ut ieiuniis, precationibus, aliisve quibusvis pietatis operibus, fas putant a præscripto Superioris ac voluntate discedere. Audiãt quod sapienter adnotat Cassianus in Collatione Danielis Abbatis: Vnum sane, inquit, atque idem inobedientie genus est, vel propter operationis instantiam, vel propter otii desiderium, senioris violare mandatum; tamque dispendiosum est pro somno, quam pro vigilia, Monasterii statuta conuellere: tantum denique est Abbatis transire præceptum, ut legas, quantum si contemnas, ut dormias. Sancta fuit actio Marthæ, sancta contemplatio Magdalene, sancta pœnitentia & lacrima, quibus pedes Christi Domini rigabantur: sed hæc omnia nimirum oportuit fieri in Bethania, quam vocem domus obedientie interpretantur; ut ea re, quemadmodum ait S. Bernardus, nobis significare voluisse Dominus videatur, Nec studium bonæ actionis, nec

Coll. 4.
cap. 20.

In Serm.
ad milit.
templ. c.
13.

otium

otium sanctæ contemplationis, nec lacrimam penitentis, extra Bethaniam illi accepta esse potuisse. Quocirca voluntates vestras, fratres carissimi, quoad eius fieri potest, omnino deponite: libertatem conditori vestro, quam nobis ipsemet elargitus est, in eius ministris libere tradite, ac dicite: nolite exiguum vestri liberi arbitrii fructu putare, quod liceat vobis illud, a quo id accepistis, eidem per obedientiam plene reddere. Quod cum facitis, non modo non perditis ipsum, verum etiam augetis, utque perficitis; quippe qui vestras omnes voluntates certissima rectitudinis regula moderemini voluntate diuina, quam videlicet interpretatur is, qui vobis Dei nomine præsedit. Itaque diligenter illud etiam cauendum est, ne Superioris ullo umquam tempore voluntatem (quam ducere pro diuina debetis) ad vestram detorquere nitamini: id enim esset non vestram diuinam conformare, sed diuinam vestrae voluntatis norma regere velle, eiusdem diuinae sapientiae ordinem inuertentes. Sane quam magnus est error, & quidem eorum, quos amor sui obcecavit, obedientes existimare sese, cum Superiorem ad id, quod ipsimet volūt, aliqua ratione pertraxerint. Sā

Serm.
trib. or
n. eccles.
Patres
capitu

Etū. Bernardū in hac re praeclare exer-
citatum audite, Quisquis, inquit, vel
aperte, vel occulte satagit, vt quod ha-
bet in voluntate, hinc ei spiritualis pa-
ter iniungat; ipse se seducit, si forte
sibi quasi de obedientia blandiatur:
neque enim in ea re ipse Pralato, sed
magis ei Prælatus obedit. Quæ cum
ita sint, quisquis ad obedientie virtu-
tem velit peruenire, oportet ad hunc
secundum obedientie gradum ascen-
dat, vt Superioris non solum iussa exe-
quatur, sed etiam eius voluntatem
suam faciat, seu potius suam exuat, ut
diuinam a Superiore expositā induat.
Qui vero se totum penitus immolare
vult Deo, præter voluntatem, intelli-
gentiam quoque, qui tertius & sum-
mus est gradus obedientie, offerat ne-
cesse est; vt non solum idem velit, sed
etiam vt idem sentiat, quod Superior,
eiusque iudicio subiiciat suum, quoad
potest deuota voluntas intelligentiam
inflectere. Quæ vis animi, tametsi non
ea, qua volūtas pollet, libertate præ-
dita est, atque ipsa natura fertur eius
assensus in id, quod sibi veri speciem
præbet; tamen multis in rebus, in qui-
bus videlicet cognita veritatis eviden-
tia vim illi non infert, potest voluntas
tis pondere in hanc potius, quam in il-

la partem inclinari . quæ res cum in-
cidunt , debet , quisquis obedientiam
profitetur , inclinare sese in sententiã
Superioris . Etenim cum obedientia sit
quoddam holocaustum , quo totus homo
sine ulla prorsus imminutione Condi-
tori suo , ac Domino per manus mini-
strorum in caritatis igne immolatur ;
cumque sit eadem renunciatio quæ-
dam integra , per quam omni suo iure
sponte decedit religiosus , ut diuina
providentiæ , Superioris ductu gubernã-
dum , ac possidendum ultro sese addi-
cat , ac mancipet : negari non potest ,
quin obedientia comprehendat non so-
lum executionem , ut imperata quis fa-
ciat , & voluntatem , ut libenter fa-
ciat ; sed etiam iudicium , ut quæcunq;
Superior mandat , ac sentit , eadem in-
feriori , & recta , & vera esse videan-
tur ; quatenus , ut dixi , vi sua potest vo-
luntas intelligentiam flectere . Utinam
hanc mentis , ac iudicij obedientiam ,
ita & intelligerent homines , & exer-
cerent , ut grata Deo est , ac omnibus ,
qui in religione viuunt , necessaria . Nã
ut in corporibus , globisque celestibus ,
ut alius alium afficiat , moueatq; , re-
quiritur , ut certa quadam conuenien-
tia et ordine inferior orbis superiori
subijciatur : sic in hominibus , cum al-

ter alterius auctoritate monetur, quod per obedientiam fit; oportet, ut is, qui ab alterius nutu pendet, subseruiat, & obsecundet, ut virtus ab imperante ad eum deriuetur, & influat.

Hec autem obtemperandi, obsecundandique ratio constare non potest, nisi voluntas, ac iudiciū inferioris cum Superioris voluntate, ac iudicio cōgruat.

Iam vero si finis, & causa obedientiæ spectatur, quemadmodum voluntas, ita & iudiciū in eo, quod nobis conuenit, decipi potest: ergo sicuti, ne volun-

tas erret, cum Superioris voluntate coniungitur, sic intelligentia, ne falla-

tur, ad Superioris intelligentiam conformanda est. Ne innitaris prudentiæ

tuae, sacra litera monent, atq; in rebus etiam humanis censent sapientes, vere prudentis esse, sua ipsius prudentia minime fidere; præsertim in rebus suis, quarum homines animo perturbato fere boni iudices esse non possunt.

Quod si in rebus nostris, alterius etiā non Superioris, iudiciū, atque consilium nostro anteponendum est; quanto magis ipsius Superioris, cui nos, ut Dei vicem gerenti, ac diuinæ voluntatis interpreti moderādos tradidimus? In causis vero, personisque spiritalibus eo maior etiam cautio proculdu-

bio est necessaria, quo grauius est spiritalis viæ periculum, cum sine frenis cōsiliū discretionis ve in ea decurritur. Quade re commode Cassianus in Col-
 latione Abbatis Mosi ait, Nullo alio vitio tam præcipitem diabolus monachum pertrahit ac perducit ad mortē, quam cum eum neglectis cōsilijs seniorum, suo iudicio persuaferit, definitionique confidere. Præterea, nisi hæc obedientia iudiciū existat, fieri nō potest, vt vel consensus uolūtatis, vel executio talis sit, qualem esse oportet: natura enim ita comparatum est, vt animi nostri vires, quæ appetitiuæ dicuntur, sequantur apprehensiuas, & nisi adhibita vi, voluntas, iudicio repugnante, diu obtemperare non poterit. Quod si forte quis aliquo temporis spatio obediat per communem illā apprehensionem, qua cēsetur, perperā etiam præcipienti parendum esse; certe id stabile, ac fixum esse non potest, atque ita perseuerantia deficit, vel saltem obedientiæ perfectio, quæ in prompte, & alacriter obediendo consistit: non enim ibi potest esse alacritas, ac diligentia, vbi est animorum, sententiarumque dissensio: perit etiam exequendi studium, & celeritas, cum ambigitur, expediat, nec ne, facere quod

Coll. 2.
cap. 11.

iube-

c iubemus: perit celebris illa obedientia
 c cæca simplicitas, cum apud nos ipsos
 c in questionem vocamus recte præ-
 c cipiatur, an secus; atque etiam fortas-
 c se damnamus Superiorem, quod ea
 mādēt, quæ nobis nō ita iucunda sunt:
 perit humilitas, quoniā et si ex altera
 parte paremus, ex altera tamen nos-
 metipsos Superiori præferimus: perit
 in rebus arduis fortitudo: perit deniq;
 (ut sūmatim cōplectar) virtutis huius
 vis omnis ac dignitas: succedunt autē
 in eorum locum dolor, molestia, tardi-
 tas, lassitudo, obmurmurationes, ex-
 cusationes, aliaque vitia non sane le-
 uia, quibus obedientiæ pretium, ac me-
 ritum prorsus extinguitur. Itaque
 sanctus Bernardus, de ijs, qui graui-
 ter ferunt imperata minus sibi sua-
 uia; sic ait, Hæc si moleste cæperis su-
 stinere, si dū iudicare Prælatum, si mur-
 murare in corde; etiam si exterius im-
 pleas, quod iubetur, non est hæc virtus
 patientiæ, sed velamentum malitiæ.
 Quod si pax, & tranquillitas ani-
 mi queritur: certe hæc non fruetur
 is, qui habet intra sese causam per-
 turbationis, atque tumultus, dissen-
 sionē videlicet iudicij proprij ab obe-
 dientiæ lege... Atque ideo, tuenda
 concordie causa, quæ Societatis om-

Serm. 3.
 de Circun-
 cisione.

nis est vinculum, tantopere hortatur. Apostolus, ut id ipsum omnes sapiant, & dicant; nimirum ut consentientibus & iudicys, & voluntatibus, mutuo foveantur, & conseruentur. Iam si unum eundemque oportet esse membrorum sensum, & capitibus facile cernitur, utrum sit aquius, caput membris, an membra capiti consentire. Atque ex his quidem, quæ dicta sunt hætenus, satis apparet, obedientia iudicij quam sit necessaria. Quam vero sit eadem ipsa perfecta, grataque Domino, inde primum ostenditur; quod per eam præstantissima pars hominis, ac pretiosissima Domino consecratur: deinde quod obediens ita fit holocaustum vivum, gratumque Maestati diuinæ, cum nihil suimet omnino retineat: postremo quod magna est huius certaminis difficultas; frangit enim sese Dei causa obediens ipsemet, resistitque naturali propensione, quæ omnibus hominibus insita est ad suam complectendam, sequendamque sententiam. Ex his igitur rebus efficitur, ut obedientia tametsi proprie voluntatem perficere videatur, quippe quam reddit ad nutum Superioris promptam, ac paratam; nihilominus ad intelligentiam quoque ipsam, ut

dixit

Ad Rom.

15.

1. Cor. 1.

et 2. Cor.

13. & ad

Philip. 2.

Serm. 5.
de Epipha-
nia.

aximus, pertinere debeat, eamque
inducere ad sentiendum id ipsum, quod
sentit Superior: sic enim fiet, ut omni-
bus connixi viribus, & voluntatis,
& intelligentiæ ad executionem cele-
rem, atque integram veniamus. Vi-
deor mihi vos, fratres carissimi, audire
dicētes; de virtutis quidem huiusce
necessitate iam non ambigere, illud
vero, ut cognoscatis vehementer opta-
re, qua pacto ad eius perfectionem
peruenire possitis. Huic ego quæstio-
ni cum Sancto Leone, ita respondeo.
Nihil arduum est humilibus, & nihil
asperum mitibus: modo non desit vo-
bis humilitas, non desit mansuetudo:
non utique deerit Deo benignitas ad
vos adiuuandos, ut quæ sibi promissi-
stis, ea præstare possitis animo non so-
lum æquo, sed etiam libenti: Præterea
vobis tria nominatim propono, quæ
ad obedientiam iudicij comparandam
multum iuuant. Primum illud est, ut,
quemadmodū initio dixi, non intueami-
ni in persona Superioris hominē obno-
xium erroribus, atque miseris, sed
Christum ipsum, qui est sapiētia sum-
ma, bonitas immensa, caritas infini-
ta, qui nec decipi potest, nec vos vult
ipse decipere: & quoniam conscij vo-
bis met estis, vos Dei amore in gum obe-

dientia.

dientia subiisse, ut in Superioris volū-
tate sequenda, voluntatem diuinam
certius sequeremini; nolite dubitare,
quin pergat fidelissima Domini caris-
tas, eorum ministerio, quos vobis pre-
fecit, vos deinceps gubernare, & rectis
itineribus ducere. Itaque Superiori
vocem, ac iussa, non secus ac Christi
vocem excipite; siquidem Apostolus
etiam in hanc sententiam scribens ad
Colossenses, cum ad obtemperandum
Præpositis subditos adhortatur, ait,
Quodcumque facitis ex animo opera-
mini sicut Domino, et non hominibus;
scientes, quod a Domino accipietis
retributionem hereditatis, Domino
Christo seruite. Sanctus vero Ber-
nardus; Siue Deus (inquit) siue homo
vicarius Dei mandatum quodcumque
tradiderit, pari profecto obsequendū
est cura, pari reuerentia deferendū,
vbi tamen Deo contraria non preci-
pit homo. Atque ita, si non hominem
externis oculis, sed Deum inspexeritis
internis; haud sane graue fuerit vo-
bis voluntates vestras, atque iudicia
conformare ad eam regulam actionum
vestrarum, quam ipsimet elegeritis. Al-
tera est ratio, ut, quod Superior man-
dat, vel sentit, defendere semper apud
animos vestros studiose nitamini, im-

probare

Cap. 3.

In tract.
de præce-
pto, & di-
spensat. fe-
re initio.

13-

14

Serm. 4.
de ieiunio
septimi
mensis.

Gen. 22.

Lib. 4. c.
24. et 26.

c probare autem nequaquam. atque ad
 eam ipsam rem proderit bene anima-
 tos, affectosque esse ad id omne, quod
 ipse iusserit: sic enim fiet, non solum ut
 sine molestia, sed etiā ut cū volupta-
 te letitiaque pareatis: nā (ut est apud
 Sanctum Leonem) Non dura ibi neces-
 sitate servitur, ubi diligitur quod in-
 betur. Postrema subiiciendi iudicij
 ratio est cū facilior, tutiorque, tum
 etiam apud sanctos Patres in more po-
 sita; ut statuatis vobiscum ipsi, quid-
 c quid Superior precipit, ipsius Dei pre-
 cceptum esse, et voluntatem: atque ut
 c ad credenda, quæ catholica fides pro-
 c ponit, toto animo assensuq; vestro sta-
 c tim incumbitis, sic ad ea facienda, quæ
 c cumque Superior dixerit, cæco quodā
 c impetu voluntatis parendi cupida si-
 c ne vlla prorsus disquisitione seremi-
 ni. Sic egisse credendus est Abraham,
 filium Isaac immolare iussus: sic novi
 testamēti tempore aliqui e sanctis Pa-
 tribus ijs, quos cōmemorat Cosmianus,
 ut Ioānes Abbas, qui, quod erat ei im-
 peratum, non reputabat ut ilene esset,
 an inutile; ut cum aridum lignum tan-
 to, ac tam diuturno labore per annum
 irrigavit: nec utrū fieri posset, nec ne;
 ut cum conatus est tam ex animo in-
 gens saxum solus dimovere loco, quod

ne multi quidem simul homines impellere potuissent: quod obedientia genus ipsis interdum miraculis diuinitus comprobatur videmus. Nā (ut alios taceā, quos ipsi non ignoratis) Maurus S. Benedicti discipulus, mandato Superioris lacum ingressus, nec mersus est: alius quidā a Superiore iussus, leonem ad se ducere, illā cepit, atque perduxit. Est igitur hæc ratio subiiciendi proprii iudicii, ac sine ulla questione sanciedi, et collaudandi apud se quodcumque Superior iusserit, non solū sanctis viris usitata, sed etiā perfectæ obedientiæ studiosis imitanda omnibus in rebus, quæ cum peccato manifestō coniunctæ non sunt. Nec tamen iccirco vetamini, si quid forte vobis occurrat a Superioris sententiā diuersū, idque vobis (consulto suppliciter Domino) exponendū videatur, quominus id ad Superiorem referre possitis: verū in hac re, ne vos amor vestri, iudiciūque decipiat, illa cautio est adhibenda, ut nullo sitis, et ante, et post relationē equissimo, non solū quod pertinet ad eam rem, de qua agitur, vel suscipiendam, vel deponendam; sed etiam ad, approbandum, rectiusque putandum quidquid Superiori placuerit. Atque hæc quæ de obedientia diximus, æque priuatis erga proximos

Grego. 2.
dialog. c.
7. In vitis
Patrū 2.
par. lib. de
obed.

c Superiores, atque Rectoribus, Præpo-
 c sitisque localibus erga Provinciales;
 c Provincialibus erga Generalem; Ge-
 c nerali denique erga illum, quem Deus
 c ipsi præfecit, nempe suum in terris Vi-
 c carium, observanda sunt; sic, ut & or-
 dinum perfecta distinctio, ac proinde
 pax retineatur, & caritas, sine qua
 nec Societatis nostræ, nec alterius cu-
 iuslibet Sodalitatis posset recta guberna-
 tio conservari. Nimirum hoc modo
 providentia illa divina disponit omnia
 suaviter, infima per media, media per
 summa suos ad fines cuncta perducens.
 Hinc illa videlicet in Angelis unius
 hierarchie ad aliam subordinata se-
 ries; hinc & celestium, & aliorum
 omnium, quæ ciuntur, corporum cer-
 tis locis, ac sedibus inter sese apta con-
 nexio, quorum conversiones, ac motus
 ab uno mouente supremo gradatim om-
 nes usque ad infimos rite proveniunt.
 Idem in terris cum in omni ciuitate
 bonis instituta legibus, tum vero in
 hierarchia Ecclesiastica cernitur, cu-
 ius omnia membra, & functiones ab
 uno generali CHRISTI Domini
 nostri Vicario derivantur; & quo ac-
 curatius hæc dispositio, & collocatio
 custoditur, eo rectior est gubernatio,
 & melior: contra vero huius ordinis

negli-

negligentia, quam graua incommoda multis hominum Societatibus impotentur, nemo non videt. Atque iccirco in hac, cuius mihi nonnullam procurationem, ac curā Dominus tradidit, tam diligenter hanc virtutem exerceri, vigereque percipio, quasi in ea Societatis nostrae bonum, ac salus vniuersa consistat. Quae cum ita sint, vt unde exorsa est, ibidem terminetur epistola; vos ego per Christum Dominum Nostrum obtestor, qui sese nobis non modo praecptorem, sed etiam exemplar praebuit obedientiae, vt ad eam virtutem toto pectore incumbatis, & gloriosa victoria appetentes, atq; auidi, vosmetipsos superare, idest excelsiorem et difficiliorem animi partem, voluntatem dico, atque iudicium expugnare, & subycere studeatis, quo Dei Domini Nostri solida veraque cognitio, atque amor vestros ad se animos penitus trahat, totoque vitae huius, & quasi peregrinationis curriculo vsque eo gubernet, ac regat, dum vos demum aliosq; complures, vestra opera exemploque adiutos, ad vltimum & felicissimum finem, nimirum ad beatitudinē sempiternam perducatur. Vestris ad Deum precibus me valde commendo.
Roma vi. Kal. Aprilis M D L I I.

FORMVLA VOTORVM
simplicium.

Par. 5. c.

4. §. 4.

O MNIPOTENS sempiternae
Deus, Ego licet vnde-
cunque diuino tuo conspectu indignis-
simus, fretus tamen pietate, ac miseri-
cordia tua infinita, & impulsus tibi
seruendi desiderio, Voueo coram sa-
cratissima Virgine MARIA, &
curia tua caelesti vniuersa, Diuinae ma-
iestati tuae, PAUPER TATE M,
CASTITATEM, & OBE-
DIENTIAM perpetuam, in So-
cietate IESV, & promitto eandem
Societatem me ingressurum, vt vitam
in ea perpetuo degam; omnia intelli-
gendo iuxta ipsius Societatis Constitu-
tiones. A tua ergo immensa bonitate,
et clemētia, per IESV Christi sangui-
nem peto suppliciter, vt hoc holocau-
stum in odorem suauitatis admittere
digneris; &, vt largitus es ad hoc
desiderandum, & offerendum, sic
etiam, ad explendum gratiam vbe-
rem largiaris.

REGVLAE SACER- dotum.

I **Q**ua de disciplina religiosa in regulis, & instituto nostro seruanda omnibus proposita sunt, ea Sacerdotes, pro ratione sui gradus, sibi praecipue dicta existiment, & obseruent.

2 Diuinum officium nitantur attente, deuote, & opportuno tempore recitare.

3 Ita viuere studeant, vt quotidie merito celebrare possint; ad idque conducet saepius in hebdomada confiteri.

Quamuis ex Constitutione, octauo vt In Exam. minimū quoq; die confiteri teneātur. c. 4. §. 25.

4 Cerimonias Misse ex vsu Romano accurate, vnusquisque obseruet; Par. 4. c. 8. §. 2.

in eaque celebranda pronuntiationē, & quamcumque aliam exteriorem actionem ita moderetur, vt non minus aliorum edificationi, quam propria deuotioni seruiat; & ideo semihoram in faciendo sacro nec multum excedat, neque ita breuis sit, vt illam non expleat.

5 Qui in summo altari sacra fac-
turi sunt, simulatque campane se vo-
cātis pulsus audierint, vel a zmoniti
fuerint; ad vestes sacerdotales induen-

das se conferant, ut in tempore exire ex sacristia possint.

Par. 4. c. 6 Salutare tradenda doctrina
8. §. 6. & Christiana ministerium pueris, ac ru-
lit. F, & dibus, quod a sui origine nostra Socie-
Can. 14. tas tanto affectu complexa est, pari
Congr. I. omnes studio promouere curent.

& Can. 7 Intelligent sibi ratione peculia-
20. Cong. ri incumbere, ut exercitiorum spiri-
2. tualium, quae tantopere ad Dei obse-
Par. 4. c. quium conferre cernuntur, usum val-
8. §. 5. & de familiarem habeant; quo & alios
par. 7. c. ad ea suscipienda adducere, & in eo
4. §. 8. & tam utili armorum spiritualium ge-
lit. F. nere tractando dexteritatem habere
possint.

Par. 7. c. 8 Omnes ū, quibus ex obedientia
4. §. 5. confessiones audiendi sanctum munus
committitur, multum ad id affici stu-
deant, & tamquam nostri instituti
valde proprium magnifaciant.

Par. 7. c. 9 Nemo ad confessiones audiendas
4. §. 5. accedat, nisi a Superiore deputatus,
& qui simul intelligat, quam facultate
tem ad hoc munus ab eo habeat.

Par. 4. c. 10 Modum ea sacramenta mini-
8. §. 4. & strandi, quae Sacerdotes nostrae Socie-
lit. D. tatis tractare possunt, perspectum om-
nes habeant, & in eoque uniformes
sint, quantum regionum varietas pa-
P. 8. c. tietur; formam tamen, & rationem
1. §. 8. &
par. 10.

9. absol-

absoluendi ab excommunicatione, & alijs censuris, & peccatis, eandem omnes sequantur; attendantq; ne ex modo utendi facultatibus Societatis, Ordinarij, et Parochi iure offēdi possint.

11 In casibus conscientia, usq; praesertim, qui ad censuras, casus reservatos, & restitutiones pertinent, sese diligenter exerceant; earumque rerum compendia, & breuem interrogandi methodum, ac contra singulorum peccatorū species, exempla, & dicta Sanctorum, atque alia salutaria remedia comparare studeant.

Par. 4. c.
8. lit. D.

12 Confessarij inter se ipsos, & in modo procedendi cum pœnitentibus conformes esse curent; & quantum res tulerit, ita aliorum Confessarium existimationi unusquisque consulat, ut omnes intelligāt, mutuo caritatis & uniformis doctrina vinculo, Societatis Confessarios in Christo esse colligatos.

Par. 3. c.
1. §. 18. et
par. 8. c.
1. §. 8. &
par. 10.
§. 9.

13 Vocati ad Ecclesiam, ad confessiones audiendas, statim cum animi alacritate eo se conferant; & quo maior pœnitentium multitudo futura est, eo magis tempestive ab alijs occupationibus se expediant.

14 In templo confessiones, dum concio fit, vel sacra lectio, nemo audiat.

15 Confessarij ita audiant pœniten-
tes, vt mutuum aspectum fugiant; sit
enim attentius, & liberius audient;
quod si locus non erit eiusmodi, vt ta-
bula Confessarium a confitente diui-
dat, manus interposita inter faciem
propriam, & confitentem, qui ad la-
tus esse debet, id præstabit.

16 In audiendis confessionibus, fœ-
minarum præsertim, seueros potius se,
quam familiares exhibeāt; in vniuer-
sum tamen paterna quædam, & spiri-
tualis grauitas in eis eluceat.

17 Eos, qui crebrius confitentur,
maxime fœminas, breuiter expediant,
nec de rebus ad confessionē non perti-
nentibus in confessione loquantur: ex-
tra confessionē vero, si oportebit eas
alloqui, longum sermonē ne misceant,
et oculos modeste demissos habeant.

18 Quando quis a Superiore mitte-
tur ad confessiones fœminarum au-
diendas, vel alia de causa eas adie-
rit: b socius, quem Superior ipsi desi-
gnabit, quamau cum fœminis Sacer-
dos loquetur, eo in loco erit, vnde vi-
dere eos, sed non, quæ secreta esse oportet,
audire possit, quantum loci dispo-
sicio patietur; quod si non pateretur,
curet omnino Sacerdos, ne ostium sit
clausum, nec locus obscurus.

b Par. 3.
c. 1. §. 3.

19 Particularem personarum, præsertim sæminarum curam nemo suscipiat, et quamvis Confessarius pro suo munere in vita spirituali pœnitentem instituat, nullius tamen obedientiam admittat.

20 Si quis uni confiteri solitus ab eodem alium Cõfessarium adeundi facultatem petierit, vel ea non petita adierit, id sibi gratum esse Cõfessarius benigne ostendat.

21 Ut sanitatis etiam ratio ad Dei gloriam habeatur, confessiones mane ad horam vsque prandij tantum audiant; ita vt cum signum primæ mense audietur, studeant se ita accommodare, vt ad secundam accedant; nisi forte pœnitentiũ necessitas aliud exigat.

22 Nemini aut petere, aut accipere quidquã liceat, siue ab ijs, quorũ cõfessiones audierit, siue ab alijs, quod vel in pauperes distribuat, vel alteri satisfactionis nomine restituat; nisi Superior, cum opus esset, secus faciendum iudicaret.

23 Etsi vota ad perfectionis statum pertinentia, vt sancta laudari debẽt; & circa ea Confessarij consilium, sed magna cum consideratione, dare possint: quia tamen non humanam, sed diuinam vocationem requirunt, nemo

Par. 6. c.

3. 9. 5.

ad ea emittenda quemquam inducat; verum ad orationem tales hortetur, vt à Deo adiuti, vocationem suam melius intelligant, & exequantur.

24 Si quos viderint ad religionem propensos; non facile ad vnā potius quam ad aliam, ad hoc, quam ad illud monasterium inuitent, sed liberam illis suam electionem relinquunt: poterunt tamen petentibus consilium eas religiones, vel monasteria proponere, quæ illis magis commoda in Domino iudicauerint.

25 Nullus eis, quorum audit confessiones, certum vestimenti genus, hunc aut illum habitum, vel colorem prescribat: tamen si omnes ad honestum, & suo statui convenientem vestitum hortari possint.

26 Vt pium est ad frequenter communicandū fideles exhortari, ita quos ad id propensos viderint, admonere debent, ne crebrius, quam octauo quoque die accedant, praesertim si matrimonio sint coniuncti.

Par. 7. c. 27 Admoneant eos, qui sibi confitentur, à Dominica Palmarū ad Dominicam in Albis inclusivē, eo tempore (nisi aliud consuetudo loci postulauerit) debere semel in sua Parochia communicare, exceptis peregrinis, & ijs, qui fa-

cultatem

ultatem haberent, & reliquis, quos
us excipit.

28 Qui vocantur ad inuandos eos,
qui morti vicini sunt, ea in promptu
habeant, quæ eo tempore, in quo tan-
tum est momenti, vsui esse possint; tam-
diuque illis adsint, quamdiu sola neces-
sitas postulabit: ceterum etsi, cum
opus est, ægrotos ad condenda testa-
menta hortari conveniat, ijs tamen
conficiendis non assistant.

Par. 4. c.
8. §. 7. &
lit. G.



REGVLAE CON- cionatorum.

Regule, quae Sacerdotibus propo-
sita sunt; eas sibi Concionatores
in primis commendatas existiment, nec
minore cura, quàm ceteri obseruent.

Par. 10. §.
2.

2 Memores sint vocatos se esse ad
reducendas animas suo creatori, quod
cum sit opus omnium difficillimū, sum-
mo studio media illa adhibeant, quae
instrumentum cum Deo coniungunt;
eiusmodi sunt solidae virtutes, ac prae-
cipue caritas, pura intentio diuini ser-
uitiū, familiaritas cum Deo in spiritua-
libus deuotionis exercitijs, & Zelus
sincerus animarum ad gloriam diuinae
maiestatis.

Par. 7. c.
4. §. 2.

3 Enitantur cum Dei gratia esse
ceteris exemplo, vt non minus vita,
quam doctrina, ad omnem virtutem
proximos alliciant.

Par. 4. c.
8. lit. B.
& F.

4 Lectioni sacrae Scripturae, ac Pa-
trum praecipue incumbāt: conferet etiā
peculiari studio vidisse Euangelia to-
to anno currentia, & in eis ea, quae
vsi esse possunt, adnotasse; itemque
compendium fecisse explicationis rerū
ad fidem, & Christianam vitam ne-
cessariarum; atq; in cōmunes locos re-
degisse omnia, quae ad virtutum com-

menda-

mendationem, & peccatorum detestationem pertinent.

5 Conferet vidisse praeceptiones, si quas de modo concionandi illi tradunt, qui bene hoc munus obierunt; bonos audisse Praedicatores; & in concionibus domi, vel in alijs locis minus frequentibus se exercuisse.

Par. 4. c. 8. lit. C.

6 Optare debent, vt admoneantur, si quid in concione corrigendum videbitur ijs, qui a Superiore ad id deputati fuerint, & humili, & grato animo id accipere.

P. 4. c. 8. lit. C.

7 Ita operam suam in celebrioribus concionibus libenter impendant, a vt non minus se ad docendos pueros, & alios rudes instruendos, faciles, & paratos exhibeant.

a In 1. Bulla nostri institui, & par. 5.

8 Si quando occasio tulerit, vt alius eodem tempore concionari velit, quantum in ipsis erit, libenter cedat.

c. 3. lit. B. & par. 7. c. 4. §. 7.

9 Ea populo proponant, quae ad captum, & vtilitatem auditorum erunt accommodata; ijsque insistant, quae ad Christianam institutionem, atque ad extirpanda vitia, & virtutes inferendas valent; & a rerum subtilium curiosa tractatione se abstineant.

P. 4. c. 8. §. 3. et lit. B.

10 Commendare debent Confessionis, et Eucharistiae frequentem usum, in bonis operibus profectum, & perse-

In vltimis regulis libri Exercit. reg. 2.

uerantiam, ecclesiasticarum carimoniarum observationem, et cetera, quae ad cultum diuinum pertinent, eamque obedientiam, quae principibus, & praelatis, qui Dei in terris vices gerunt, exhibenda est.

Ibidem

reg. 7.

b Ibidem

reg. 3.

c Ibidem

reg. 6.

Ibidem

reg. 10.

11 Commendabunt etiam peculiari ratione poenitentiae, & misericordiae opera, ^b sanctarum precum, ^c & aliarum piarum deuotionum exercitia, uti-
lium librorum lectionem, & bonam
filiorum educationem.

12 Cum experientia doceat, & san-
cta memoria Pater Ignatius scriptum
reliquerit, nihil utilitatis percipi ex
ijs concionibus, in quibus principes, &
magistratus reipub. prelati, & alij
ecclesiastici in particulari reprehendi-
duntur; Concionatores nostri ab hu-
iusmodi reprehensionibus abstineant.

d Par. 3.

c. 1. lit. S.

13 Caueant, ne religiosos aliorum
ordinum, quos reuereri, & obseruare
debent, etiam tacite videantur re-
prehendere: ^d & quamuis nostros ad
maiores in virtute progressus excita-
re possint, praesertim in domesticis ex-
hortationibus, reprehensionem tamen
alicuius particularis, vel ipsius Socie-
tatis ne attingant.

14 Ne rumoribus populi mouean-
tur, ut noua, & parum confirmata in

publi-

publicum afferant, & multo minus ea populo proponant, quæ alioqui dubia, & incerta sunt.

15 Curent, ut rationem, & modum, quem observare debent in rebus populo denunciandis, & certis pauperibus, aliisque p̃is operibus commendandis, a Superiore accipiant.

16 Caueant omnino, ne facetiis, aut inutilium rerum narratione concionem contemptibilem faciant, usque auditores ad risum moveant, vel contra, ut ad fletum excitent, spectanda aliqua populo proponant a communi in Societate concionandi consuetudine aliena, nisi in aliquo particulari casu ad communem edificationem pertinere Superior pro ratione loci, iudicaret.

17 Ea, quæ dicturi sunt, diligenti præmeditatione, & peculiari ad Deum recursu (quatenus per tempus licebit) paranda erunt.

18 Caueant arrogantiam, & ostentationem in concione, humilitatemque, cui ex intimo cordis affectu studere debet, in omni actione præ se ferat: quod si aliquid pro se, aut Societate cogatur respondere, ea modestia satisfaciant, ut causam Christi, non suam agere videantur.

19 Modus concionandi, qui a scholastico diversus esse debet, ita sit ut

Par. 4. c.
8. §. 3.

docendum comparatus, vt ad animorum motum precipue dirigatur; cumque quaestio aliqua earum, quae ad fidem, aut mores pertinent, modo aliquo tractanda erit, non ita exacte proponantur argumenta, quibus contraria pars confirmatur (nisi auditorium id postulet) vt simpliciores ipso proponendi modo offendi possint; sed eo pacto res exponatur, vt illi ex data explicatione solutionem eorum, quae sibi in mentem venerint, aut ab alijs audierint, facile colligant.

20 Ne sint affectati, aut verborum lenocinia sectentur, nec studio politioris sermonis eos libros habeant familiares, ex quorum lectione detrimentum in spiritu accipiant, & seculare aliquid redoleant.

21 In laudibus, & reprehensionibus à nimis exaggerationibus, & ab omni specie adulationis abstineant.

22 Gestus corporis sit modestus, & in quo grauitas quaedam religiosa praecipue eluceat: vocemque accomodent ad res, quas tractabunt; proinde eam, vbi non est opus, ne praeter modum extollant, aut deprimant.

23 In concionibus, & lectionibus templi, spatium horae ne excedant.

REGVLAE EORVM, QVI
in missionibus versantur.

I CVM scopus, ad quem tendit Societas, sit varias mundi partes, ex obedientia Summi Pontificis, vel Superioris Societatis peragendo, verbum Dei predicare, confessiones audire, & reliquis quibuscunq; poterit medijs vti ad animas, diuina aspirante gratia, iuuandas; quicunq; in huiusmodi missionibus versantur, sibi persuadeant, rem maximi ponderis in Societate sibi commissam esse, atque ita se comparare studeant, vt apta Dei instrumenta ad rem tantam esse possint.

2 Quia vocationis nostrae est vltima agere in quauis mundi plaga, vbi maius Dei obsequium, & animarum auxilium speratur; vnusquisque paratus esse debet, vt in ea vinea Christi parte, atque opere se exerceat, quod ipsi commissum fuerit, siue per varia loca discurrendo, siue in quibusdam continenter residendo.

3 Vnusquisque plenam in his, ac liberam sui dispositionem Superiori, qui eum Christi loco dirigit, relinquat; & poterit tamen motus animi, aut cogitationes, quae in contrarium occurrunt, illi proponere, subiiciendo

In Declarat. proæ.
4. par. lit. A. et par. 6. c. 3. §. 5.

Par. 3. c. 2. lit. G. & par. 7. c. 1. §. 1. & c. 3. §. 1.

Par. 2. c. 1. §. 1.

a Ibidem lit. K.

suum sentire, & velle ei, quod ipse in Domino indicauerit.

Par. 7. c.
1. §. 5.

4 Ei qui mittendus erit plurimum conueniet, vt intelligat a Superioribus scopum suae missionis, & effectum, cuius gratia mittitur, id quod in scriptis, si fieri potest, habere curabit.

Par. 7. c.
2. lit. G.

b Can. 12.
Cong. 3.

5 Cū oppidatim missi fuerint ad fructificandum in agro Domini, dabunt operam, quoad fieri poterit, vt more pauperum Euangelium praedicent: b proinde & pedites, vel in toto, vel in parte iter facient, si eos Superior id praestare posse indicauerit, & ex eleemosinis, vel oblatiis, vel cum adificatione emendicatis viuent, nisi alia ipsis a Superiore sustentationis ratio sit constituta.

6 Si nullum eis a Superiore designatum fuerit hospitium, intelligant sibi ad aliquod hospitale, tamquam ad hospitium pauperum, esse diuertendū: si tamen honestum id sit, atque ad exercenda ex eo ministeria Societatis accommodatum: alioqui conuenientius erit, vt in domum pū alicuius, & exemplaris ecclesiastici, aliumve eiusmodi locum se recipiant, in quo cum adificatione manere possint.

7 Cum ingressi fuerint loca ea, in

qui-

quibus Ordinarij resident, eos quamprimum adeant, suamque operam illis summisce offerant, & facultatem ad exercenda Societatis ministeria modeste, ac religiose petant, eosque omnes tam ecclesiasticos, precipue Parochos, quam seculares, quorum auctoritate, aut favore opus habent, beneuolos sibi facere studeant.

c Par. 10.
§. 11. &
lit. B.

8 Cum eo peruenerint, ubi diutius immorari debent, prudenter, ac mature operam dabunt, ut notitiam habeant probatorum virorum, & pietate, ac rebus agendis insigniorum, quorum informatione, vel auxilio inuari possint ad ministeria Societatis maiore cum fructu animarum exercenda.



9 Qui in missione Superior erit, initio suscipiendorum operum, vel quando maior subsidij necessitas cernitur, (quod res magni momenti sint, vel difficultates graues incidant) applicabit, curabitque applicari Missas, & orationes, ut omnia cedant ad maiorem Dei gloriam, & proximorum utilitatem.

Par. 7. c.
2. lit. M.
& c. 4. §.
3.

10 Si ijs, qui mittuntur, non fuerit iniunctum, ut medio aliquo utantur limitato, quale esset vel legere, vel predicare & cet. in ijs tantum se

Par. 7. c.
3. §. 2.

d Ibidem.
lit. A.

exercebunt, quibus Societas uti so-
let, iuxta Constitutiones; & conferre
tamen illa cum eo Superiore, qui eis
propior fuerit, semper erit securius.

Par. 4. c.
8. & p. 7.
c. 4.

II Media spiritualia, quibus iux-
ta institutum Societatis, & benepla-
citum Superioris uti poterunt, fere
sunt ministerium verbi Dei in pra-
dicationibus, sacris lectionibus, pri-
uatisque exhortationibus, & collo-
quijs; sacramentorum Confessionis
& Eucharistiae administratio; exer-
citorum spiritualium traditio; dis-
sidentium reconciliatio; casuum con-
scientiae ad ecclesiasticos, eorumque
officij magis priuata explicatio; &
Christiana doctrina ad pueros, ac a-
lios rudes publica declaratio.

Par. 7. c.
4. §. 9.

12 Corporalibus etiam pietatis ope-
ribus, quantum spiritualia permit-
tent, & vires patientur, incumben-
re poterunt, ut infirmos, praecipue
in xenodochijs, per se, vel per alios
iuuando, & pauperes, ac in custodijs
detentos; quatenus licebit, eodem mo-
do subleuando.

13 Etsi certus ordo in nostris mini-
sterijs exercendis praescribi non potest;
plerumque tamen utilius erit, & se-
curius, ab humilioribus inchoare, ut
a doctrina Christiana pueris expli-

canda

cauda, ab agrotis hospitalium in-
uisendis, eorumque, & aliorum
magis indigentium confessionibus au-
diendis.

14 Quamquam humana media non
solum spernenda non sunt, sed etiam
cum opusest, prudenter, & religiose
adhibenda; diuinis tamen, & nostri
instituti magis proprijs precipue vtē-
dum est, in eisq; magis fidendum;
orandusque Deus, vt ijs omnibus det
eam efficaciam, quæ sit proposito fini
consequendo necessaria.

15 Iuxta eam caritatis regulam,
qua se Apostolus omnia omnibus fa-
ciebat, vt omnes lucrifaceret; expe-
diet nonnumquam, vt ingenio eorum,
cum quibus agent, initio se attempe-
rent (quatenus ratio, & virtus fe-
rent) ita tamen, vt meminerint ad id
tandem eos cum Dei gratia perducere,
quod illis in Domino magis conferre
iudicabunt.

16 Eam animi magnitudinem, &
equabilitatem retinere studeant, vt
& prosperis successibus, & aduersis
superiores sint; quo nullo euentu fra-
cti, nec religiose modestiæ, nec sanctæ
libertatis, nec bonæ de se conceptæ exi-
stimationis, quæ ad fructum colligendū
necessaria est, quicquam amittant.

Par. 10.
lit. B.

17 Si quos erga se aut Societatem male affectos esse intellexerint (praesertim non vulgaris auctoritatis homines) aut qui nostra ministeria impediant, non solum pro eis orabunt, sed etiam convenientem aliquam rationem inibunt, ut eos amicos, aut saltem non aduersarios faciant: ad quam rem non parum conferet, si data occasione, instituti nostri rationem illis exponant, nullumque officij genus praevertant, quo illos, cum opportunum fuerit, sincere, ac religiose demereri, & conciliare possint.

Par. 4. c.
11. §. 3.

18 Si quando praelatum aliquem in visitanda diœcesi comitabuntur, nihil se in negotijs ad visitationem spectantibus, alijsve id genus ad iurisdictionem pertinentibus immisceant, sed ijs tantum ministerijs attendât, quae sunt nostri instituti propria.

e Par. 6.
c. 3. §. 5.

19 Quâuis optare debeât, ut in sua quisque vocatione proficiat, æquumque est, ut pro suo munere ad eam rem omnes hortentur: nullam tamen reformandi Cleri, e aut Monialiũ, aliorumve religiosorum cura partem admittant; sic enim fiet, ut & munus suum sine impedimento exequi, et populũ ad vberiorẽ fructum ex visitatione percipiendum sine offensione disponere possint.

20 Cum præter id, quod eis fuerit peculiari ratione iniunctum, res aliqua diuini seruitij se obtulerit, in qua possint sine detrimento suæ missionis suam operam ponere, opportunitatem, quam Deus ad eam dederit, quantum in eodem conuenire iudicabunt, e manibus elabi non sinent.

Par. 7. c.
1. §. 7.

21 Si in locis designatis diutius residendum erit, locumq; dederint præcipua negocia (quæ numquam propter alias occasiones, licet bonas, diuini obsequij posthabebunt) excursions aliquas facere, si eas cum fructu fore iudicabunt, non erit inconueniens.

Par. 7. c.
1. §. 7.

22 Sine facultate Superioris nulli Confraternitati, Cõgregationi uel Statuta condent, seu vetus illa sit, seu noua instituenda videatur. De noua autẽ instituenda, et quæ nulli sit in usu, nõ prius agent, quam Superiore consulat.

23 Quæ Deo auctore perficient, ea quantum licebit, ita constituent, ut stabilia sint, & diu durare possint. quod facilius obtinebunt, si res conuenienti ordine disponant, earumque bonum progressum ipsi commendent, quorum exemplo, auctoritate, fluuio, & diligentia, facile conseruari, & promoueri possint.

24 Scribent ad eum, quem designa-

uerit,

Can. 28.
Congr. 2.

f Par. 7. c.
2. §. 2.

uerit ille, a quo missi sunt. singulis hebdomadis, vel quoties ipsis fuerit constitutum, & quantum fieri potest, totius successus eum certiores reddant, quemadmodum persone, & negotia exegerint, ut consilio, & alijs auxilijs iuuari possint.

25 Cum propter nullas occupationes intermittendum sit propria perfectionis studiū; diligenter animaduertant, ne pretextu procurandæ aliorum salutis, propria perfectionis obliuiscantur, ipsamque propriam salutem ea ratione in discrimen adducant: sed sepe illud Domini mente reuoluant, Quid prodest homini, si uniuersum mundum lucretur, anime vero suæ detrimentū patiatur? sibi que illud D. Pauli unusquisque dictū existimet, Attende tibi, et doctrinæ, insta in illis, hoc enim faciens, & te ipsum saluum facies, & eos, qui te audiunt.

g Par. 7.
c. 4. §. I.

26 Hanc ob rem caueant, ne consueti in Collegijs, ac Domibus orandi, & examinandæ conscientie exercitia imminuant; nisi si quando necessitas, aut in euentu aliquo caritas aliud faciendum postularet. Conuersationem cum secularibus nimiam non habeant, aut incautam, aut quæ secularem sapiat, & sed in omnibus se integritatis,

& gra-


et grauitatis exemplum praebeant. atque in summa regularum Societatis, siue earum, quae omnibus communes sunt, siue quae ipsorum officij propriae, quantum locus patitur, observationem non praetermittant.

27 Præter hac, si pro ratione diuersarum regionum, et missionum qualitate, alia quaedam a Superioribus constituenda videbuntur; ea in peculiaribus instructionibus addita, pari diligentia obseruanda erunt.

Par. 7. c.

2. §. 2.

F I N I S.



INDEX EORVM QVAE
hoc libello continentur.



| | |
|---------------------------------------------------------------|----|
| S Vmmarium Constitutionũ. Pag. | 3 |
| Regule Communes. | 22 |
| Regule Modestie. | 31 |
| Instructio ad reddendam conscientie rationem. | 33 |
| Catalogus Missarum et orationum quæ nostris præscribuntur. | 37 |
| Regule Peregrinorum. | 46 |
| Epistola P. Ignatij. | 50 |
| Formula Votorum Simplicium. | 68 |
| Regule Sacerdotum. | 69 |
| Regule Concionatorum. | 76 |
| Regule eorum qui in missionibus ver- santur. | 81 |

11

11

11

11

11

11

11

11

11

11

11

11

11

11

11

11

11

11

11

11

11

11

11

11

In ingressu Religionis, vel post ingressum, resignatus (hoc est, propria exutus, que ab aliena pendens voluntate) omnino esse beo in conspectu Dei domini nostri, eiusque in loco Dei, mihi praeest.

2 Optare debeo, ut ille me gubernet, ac reat, qui abnegationi mei proprii iudicii, & intellectus inuigilet.

3 In quibus rebus peccatum non est, in iis omnibus voluntatem illius sequi, non meam, debeo.

4 Tres sunt obedientiae gradus: primus est, cum obedientia, propterea quod aliquid in virtute sanctae obedientiae precipitur: & hic quidem bonus est: alter, cum fit, quod simpliciter mandatur, & melior est: Tertius est, cum obedientiam praesumimus, & id facimus, ad quod Superiorem propensum cernimus: tametsi nihil ille precipiat: & hic quidem ceteris longe perfectior est.

5 Non debeo cogitare, qui me gubernat, summusne, an medius, an infimus sit, sed deuotionem meam omnem in obedientia collocare, et illud magni obedere, quod loco Dei domini nostri praesidet. Nam personarum si distinguas gradus, perit obedientiae vis.

6 Si quando tempus inciderit, quo mihi videatur a Superiore meo quid precipi, quod contra conscientiam meam sit; Superiori vero aliud videatur, illi potius, quam mihi, credam, si quidem aperta ratio non repugnat. Quod si hoc in animum inducere non possum, at certe meum iudicium, sensumque relinquam, & ad unius, aut duorum, triumve iudicium rem totam reijciam, ut quod ab illis iudicatum sit, id sequar. Hoc si recuso longissime a perfectione absum, & ab iis virtutum

officiis, quæ veri Religiosi sunt maxime propria.


7 Denique meus esse non debeo, sed eius, qui me creauit, quique illius locum tenet, ut me duci, tractariq; instar molliſſimæ cere ſinam, quæ ſequitur fingentis manum: ut in ſcribendis, accipiendisve literis, & contra in colloquio cum fratribus, aut ſilentio, id mihi ſalutare credam, quod iuſſus fuero, deuotionemque meam in eo, quod præcipitur, totam conſtituam.

8 Ita me inſtituam, quaſi corpus mortuum, quod neq; voluntatem, neque ſenſum habet. Secundo, non aliter quam paruulam quandam ſtatuum, quam quoquouerſum velis, haud repugnātem veritas. Tertio, talem me fingā, ac præſtabo, qualis baculus in manu ſenis eſt, ut me ad arbitrium ſuum utatur, ibique ponat, ubi eum adiuuare maxime poſſim: ſic ego paratus ad omnia ſim, ad quæ mea opera Religio uti velit, nihilq; recuſem, quod ſit imperatum.

9 Neque petere, neque rogare, multo minus flagitare debeo a Superiore, ut me aliquo poſiſſimū mittat, ut in hoc potius, quā in illo munere exerceat: ſed cogitationes meas, ſiue deſideria ſimpliciter exponere, atq; ad illius pedes abiicere, ut ille cōſtituat, atq; imperet: ego, quod ab illo conſtitutum fuerit, atq; imperatum, id optimum putem.

10 In rebus tamen leuibus, ac bonis, facultas peti poteſt, ut ad ſtationes vrbis obeundas; ad ſpirituales gratias petendas, & his ſimilia: dū eo tamen animo ſis, ut quod conſeſſum negatum veſit, id optimum credas.

11 In his præterea, quæ ad paupertatem ſpectant, nihil meum ducam: ſed ita me comparē, ut quarū rerū uſū habeo, earū me veſtitu, cultuq; ornatū, quaſi ſtatua exiſtimē, quæ ornatū de traſhenti, nihil omnino aut reſiſtit, aut repugnat.



FORMVLA VOTORVM
simplicium.

OMNIPOTENS sempiternae
Deus, Ego licet vnde-
cunque diuino tuo conspectu indignis-
simus, fretus tamen pietate, ac miseri-
cordia tua infinita, & impulsus tibi
seruiendi desiderio, Voueo coram sa-
cratissima Virgine MARIA, &
curia tua calcasti vniuersa, Diuinae ma-
iestati tuae, PAUPER TATEM,
CASTITATEM, & OBE-
DIENTIAM perpetuam, in So-
cietate IESV, & promitto eandem
Societatem me ingressurum, vt vitam
in ea perpetuo degam; omnia intelli-
gendo iuxta ipsius Societatis Constitu-
tiones. A tua ergo immensa bonitate,
et clemētia, per IESV Christi sangui-
nem peto suppliciter, vt hoc holocau-
stum in odorem suauitatis admittere
digneris; &, vt largitus es ad hoc
desiderandum, & offerendum, sic
etiam, ad explendum gratiam vbe-
rem largiaris.

THE HISTORY OF THE

REIGN OF

CHARLES THE FIRST

BY

JOHN BURNET

OF THE UNIVERSITY OF OXFORD

IN TWO VOLUMES

VOLUME THE FIRST

CONTAINING

THE HISTORY OF THE

REIGN OF

CHARLES THE FIRST

FROM THE BEGINNING OF HIS REIGN

UNTIL HIS DEATH

IN THE YEAR 1649

BY

JOHN BURNET

OF THE UNIVERSITY OF OXFORD

IN TWO VOLUMES

VOLUME THE FIRST

Handwritten text in a single column, likely a manuscript page. The text is written in a cursive script and is mostly illegible due to fading and the quality of the image. The page is framed by a simple border.

Quifquis se intelligis in huius secul
profluvio magis inter procellas, et
tempestates fluctuare, quam per terram
ambulare, ne auertas oculos a fulgore hu-
ius syderis, si non vis obrui procellis. Si in-
surgant venti tentationum, si incurras
scopulos tribulationum; respice stellam, vo-
ca Mariam: si iactaris Superbiae undis, si am-
bitionis si detractionis, si emulationis; re-
spice Stellam, voca Mariam: si Iracundia,
avaritia, aut carnis illecebra naviculam
coccusserit mentis, respice ad Mariam: Si cri-
minū immanitate turbatus, conscientiae fœ-
ditate cōfusus, ludicij horrore perterritus,
barathro incipias absorberi tristitie, despe-
rationis abyssos; cogita Mariam. In pericu-
lis, in angustijs, in rebus dubijs; Mariam co-
gita, Mariam inuoca. Non recedat ab ore,
non recedat a corde, ut impetres eius ora-
tionis suffragium, non deseras conuersa-
tionis exemplum; Ipsam sequens non de-
speras, ipsam cogitans non erras, ipsa te-
nente non corruis, ipsa protegente non me-
tuis, ipsa duce non fatigaris, ipsa propitia
peruenis. Ber. Serm. 2. super Missus est.







BIBLIOTECA